


行素州堂金石叢書

11-212
6104
899
30 = 37



版


金

廣

石

帶

石



自敘

元潘昂霄金石例明王止仲墓銘舉例其論皆上韓
歐秀水朱氏嘗欲臚舉鄱陽洪氏隸釋隸續所述漢
碑版以補潘氏王氏兩家之闕而未及也吾今不自
揣量輒又旁推秀水之言上追秦漢下訖宋元明作
碑版文廣例若干卷潘氏目其書曰金石概辭也王
氏目其書曰墓銘專辭也吾今於潘氏王氏所已舉
不更舉其所未舉一一舉之潘氏王氏專舉韓歐吾
一不舉韓歐要之以文章正統與韓歐也夫文章之
用鴻矣碑版爲大一器而工聚焉者也碑版莫盛於

韓歐韓以前非無作者凡其可法韓歐則既取而法之矣其不可法韓歐亦既削而去之矣韓以後非無作者能以韓歐之例例秦漢例元明無往不得矣不以韓歐之例例秦漢例元明無往不失矣得失之數明而後承學治古文者有所入此吾廣例之說也雖然傳家以例說春秋而春秋晦文家以例求文章而文章隘或原也或委也吾與潘氏王氏持鋪荷畚臨滔滔者以遏其流非導其原也世有持原而往者吾書與潘氏王氏之書俄空焉快哉乎其達於文也長洲王芑孫自敘

敘

余聞之族兄惕甫先生曰文以載道平日修身飭行是其根本空言經訓尚非揆原之論善哉言乎非近世才人所知也又曰學古文者當始由無例以之有例繼由有例以之無例此先生碑版廣例所由作歟先生自治經史外評隲漢以來文字能抉其精又選宋元十家文以廣唐宋八家故其爲文陶冶前人自抒心得寓奇於平因疏為密弢斂才華要歸正則同時家蘭泉姚姬傳秦小峴諸公推服無異詞淵雅堂全集海外購求其用功也深其收名也遠而一二妄

庸巨子或肆詆毀以自夸烏足以知此中甘苦耶先生此書補金石三例所未備猶梓匠輪輿之有規矩也縱橫變化任人自為是宜公諸天下嘉惠後來而先生門生故舊猶有存者曾莫過而問也乃謀諸吾族之同志者捐資得三人焉堂兄仲涑字秋濤余弟仲鑿字灝生堂姪熙文字靜軒也書楷校正者江子元文字同甫也選板刊之者蘇郡吳氏江寧穆氏也道光二十一年孟冬下旬族弟塗敘

碑版文廣例目錄

長洲王芑孫念豐輯

卷一

秦

碑中具載詔令奏議例

漢

碑載奏議不載制詔例

碑敘奏請而不載所奏例

碑中具載官文書例

碑載長官行檄例

嶽瀆祠廟碑例

重修道路橋梁碑例

重修官舍碑例

卷二

漢

德政遺愛碑例

碑紀祥瑞例

銘勒武功例

紀造禮器例

追紀古迹例

紀生祠丙舍例

碑紀冢地例

碑紀產業例

碑載世譜例

有紀無銘例

有頌有詩例

有銘有重例

卷三

漢

以文爲誅以頌爲敘例

誄後有亂亂後有銘例

韻語敘之又以韻語為辭例

頌後題名題名後又綴騷辭例

一碑作三文分敘例

詩有三章九章例

碑辭簡質例

敘略而銘詳例

碑後載贈詔例

碑後附紀帝謚例

碑後附紀他人事行例

碑載書撰人姓名例

卷四

漢

一人兩碑例

一碑二銘例

一人之歿本非一銘例

後碑紀事例

朋友稱字例

書先生書私諡例

書處士書故民例

書卒日葬日例

墓文自卒葬日敘起例

墓文必書卒年卒日例

敘家世詳於所著例

有履歷無籍貫例

有卒年無卒日例

書侯國紀年例

書年月日異例

官稱例

卷五

漢

不詳家世例

不書諱字例

碑額碑文合爲章法例

書高曾祖父例

書子弟及妻祔葬配食例

娉妻合葬例

書子例

書孫例

書兄弟例

先書弟後書子例

書從父兄弟例

書嗣子嗣父母例

書繼母例

碑後附載其孫例

碑後附載夫人例

夫人先葬專誌例

夫人後葬專誌例

女為其父立碑例

書女不書壻例

書子婦例

納銘墓中例

卷六

漢

石闕石壇神道墓道括例

碑額括例

碑題括例

碑陰括例

題名碑略例

碑側略例

石人例

石獸例

立石例

卷七

三國

碑紀開國典禮例

追立前賢碑碣例

碑額用真書例

晉

書婦姓不書夫姓例

名字官職之外不書一事例

誌保母例

續書前人碑後例

梁

書撰人名列在題後文前例

書撰列名文後例

北魏

世系之外不敘事實例

誌題不書婦姓例

額題紀事例

行狀之式出於墓誌例

不著懋官例

書撰列名碑側例

碑後書女及壻例

重立舊碑增著新文例

東魏

碑頌修廟之人例

北齊

追表其父遺迹例

書撰人名見於文中例

賜額并年月在文前例

周

奉敕書撰例

隋

易代後結銜例

碑刻真容例

窆誌方幅宜小例

官名假借文言例

墓誌今式所始例

石片廣例
塔銘例

釋氏碑刻所始例

唐

題額人列名所始例

篆額題額刻名例

敘銘兩人分撰例

唐碑必書所終之地例

碑版二字稱名所始例

誌生擴例

卒日書時起於僧塔例

通稱府君例

額與題互爲詳略例

卷八

唐

書撰人列名括例

婦人書碑自署名款例

自加稱謂例

碑中添注塗改例

碑中旁注側寫例

陵廟立碑例

宮館碑文例

宮館更名重製新文例

紀武功碑例

遣祭碑文例

自為墓誌例

誌捐納出身官例

墓銘刻於經幢例

子貴追立父碑例

墓誌亦有追刊例

前代官祇書新贈不係故階例

灰事碑文必有卒日卒地例

父書子碑例

子撰父碑直書名諱例

子書父碑直書名諱例

父喪稱孤子所始例

母喪稱哀子所始例

誌夫婦合葬不標婦姓例

婦人專誌祇標夫姓例

婦人專誌祇標婦姓例

婦人專誌額書夫姓題書婦姓例

婦人專誌額書婦姓題書夫姓例

婦人專誌祇敘婦家世系例

不書婚配例

妻尚存而見於碑中例

誌婢妾不係其夫例

表德或冠勲階之上或綴勲階之下例

書地界四至例

銘用雙聲例

碑中不敘書畫藝能例

刻文舊碑之陰例

卷九

唐

誌載生平著撰例

標題書姓不書名例

貶官後仍係故階例

游覽題名括例

小字書表疏大字書詔旨例

一時自有沿用異文例

作古無今有之神祠碑例

書封贈官階例

碑誌著所憑行狀例

婦人亦得稱君例

碑用他人填諱書名例

雙名單舉一字例

書子婦例

唐人合葬亦自有夫婦雙標例

以自號冠於姓名之上例

以祖父官階冠於姓名之上例

公主雖已出家仍書公主例

親王公主不當書某地人例

貴官表墓亦祇稱謁例

道士碣所始例

誌銘亦有御撰例

始用堪輿家羅經山嚮例

碑題紀事例

以年月入標題例

塋記兆記之例

表墓碑銘例

墓表出於塋兆記例

唐德政碑有官立私立之分例

碑山中稱君稱公例

書景時猶曰吉時例

賜額及貴官上額事皆起於僧道例

書再適有諱有不諱例

敘世系婚配卒葬異文例

追加賜姓例

卷十

唐

僧用俗葬俗用僧塔例

碑側有記例

封禪碑例

頌德銘功碑例

墓碑前有敘後有系辭例

新墓碑銘例

立石追表因加銘陰例


諱字皆祇一見例

陪葬碑例

公主碑其駙馬有書有不書例

奉敕撰文自有與時變通例

碑版文廣例目錄終



碑版文廣例卷一

長洲王芑孫念豐輯

吾以文章正統與韓歐矣顧乃上追秦漢而尤
詳於漢何也昌黎言之矣非三代兩漢之書不
敢觀兩漢之書昌黎固嘗熟觀而取法焉弗敢
弗詳也詳於漢而見諸司馬班氏書者略弗道
何也此爲承學治古文者言世無承學治古文
而未讀司馬班氏書者也然則方以昌黎孕諸
漢烏在其以正統與韓歐也觀乎漢而後知韓
歐之道之難韓歐之文之貴也古文莫貴乎事

信而言文漢碑版之在世亦多矣或奧而蹟或
枝以蔓雖或得焉其所得常不敵其所失吾今
舉其尤雅者例之無幾乎言文矣而事之信不
信罔敢知也且夫例春秋之法言也貫道而出
得乎心之所安究乎義之所止者也傳家發例
之情五曰微而顯志而晦婉而成章盡而不汙
懲惡而勸善是五者漢碑版有其彷彿乎漢碑
版無之而韓歐有斯不得不以文章口與
韓歐矣漢碑版不皆出於文士乖離析亂人率
其臆固未嘗有例也漢一代作者岸然以春秋
自例司馬氏而止耳班氏而止耳下此雖范蔚
宗氏有所弗逮矧其散者乎在作者本無例故
潘氏王氏之例不及漢韓歐繼司馬班氏而作
又例司馬班氏之例以自例於春秋故潘氏王
氏舉例自韓歐始是潘氏王氏之謹嚴非其鮮
聞而寡見狎近而忘遠也然而有如秀水之云
則其書猶未足以饜學者之心也吾今卽秀水
之言舉無例者一一例舉之而實非能例舉之
也聊舉其異焉爾舉其異而漢碑版之無例自
見例之不存義於何有義也者例之所目也

韓歐酌其義然後潘氏王氏得以舉其例吾憂夫今之學者人人鄭許家家金石奉其所謂漢學者以誚讓程朱又將挾其所謂漢碑者以牴牾韓歐是書亦烏容無作哉吾非病漢也病夫尊漢而不得其所以尊之也惟尊漢故詳於漢不詳於漢無以知韓歐之文之貴韓歐之道之難也吾用秀水之說以成書而與秀水異意不可無述故首發之

秦

碑中具載詔令奏議例

史記秦始皇二十八年東行郡縣上鄒嶧山立石而魯諸儒生議刻石頌秦德始皇登山凡六刻石中皆具載惟嶧山碑不見其辭而模本尚傳文字完具前列始皇詔百四十四字後自皇帝曰以下二世詔七十九字微小始皇六刻石各異其文惟二世七十九字之詔刻於其旁者皆同秦斤秦權亦皆勒此詔於左非獨刻石也今泰山琅邪遺刻亦在惟琅邪刻於皇帝始皇帝及成功盛德字皆空格書之其後丞相斯等奏議則跳行別起其泰山嶧山刻皆無跳行空格可見秦法雖嚴當時跳行空格亦無定例始皇

碑版廣例
帝六刻石既見於史記惟嶧山刻始末周具故舉以爲例

嶧山刻文

皇帝立國維初在昔嗣世稱王討伐亂逆威動四極武義直方戎臣奉詔經時不久滅六暴強廿有六
年上薦高號孝道顯明既獻泰成乃降專惠窺軼遠方登於嶧山羣臣從者咸思攸長追念亂世分土建邦以開爭理攻戰日作流血於野自泰古始世無萬數施及五帝莫能禁止迺今皇帝壹家天下兵不復起熯害滅除黔首康定利澤長久羣臣誦略刻此樂石以著經紀皇帝曰金石刻盡始

皇帝所爲今襲號而金石刻辭不稱始皇帝其於久遠也如後嗣爲之者不稱成功盛德丞相臣斯臣去疾御史大夫臣德昧死言請具刻詔書金石刻因明白矣臣昧死請制曰可

案薛氏鐘鼎款識載秦權平陽斤二世詔成刀盛德下易九字曰刻此詔故刻左使毋疑蓋此係奏請彼則刻諸其物古人置辭分別安妥若此

漢

碑載奏議不載制詔例

凡奏議兼載詔答惟史晨及樊毅復華下民租田口

算碑其事或待報或不待報皆祇見原奏史晨於奏牘外直接贊頌樊毅則於奏牘外不贊一辭此漢例然也先生二字形諸章疏蓋當時固不以是爲尊稱魯相史晨祀孔廟碑

建衡二年三月癸卯朔七日巳酉魯相臣晨長史臣謙頓首死臯且尚書臣晨頓首頓首死臯死臯臣蒙厚恩受任符守得在奎婁周孔舊寓不能闡宏德政恢崇一變夙夜憂怖累息屏營臣晨頓首頓首死臯死臯臣以建衡元年到官行秋饗飲酒泮宮畢復禮孔子宅拜謁神坐仰瞻棖楹俯視几筵靈所馮依肅肅猶存而無公出酒脯之祠臣卽自以奉錢修上案食醢具以敘小節不敢空謁臣

伏念孔子乾坤所挺西狩獲麟爲漢制作故孝經援神契曰罔邛制命帝亦行又尚書考靈耀曰邛生蒼際觸期稽度爲赤制故作春秋以明文命綴紀撰書修定禮義臣以爲素王稽古德亞皇代雖有袞成世享之封四時來祭畢卽歸國臣伏見臨辟雍日祠孔子以太牢長吏備爵所以尊先師重教化也夫封土爲社立稷而祀皆爲百姓興利除害所豐稷月令祀百辟卿士有益於民矧乃孔

子元德煥炳光於上下而本國舊居復禮之日闕而不祀誠朝廷聖恩所宜特加臣寢息耿耿情所思惟臣輒依社稷出王家穀春秋行禮以共煙祀餘缺賜先生執事臣曷頓首頓首歿臯次臯臣盡力思惟庶政報稱爲效增異輒上臣晨誠怕誠缺頓首頓首歿臯次臯上尚書時副言太傅太尉司徒司空大司農府治所部從事

昔在仲尼汁光

中帝所挺顏母毓靈承敝遭

衰黑不代

缺

人聘歎鳳不臻自衛反魯養徒

三千獲麟趣作端門見

徵金石遺文錄端門在聖廟東南

血書著

紀黃玉韻應主爲漢制道審可行乃作春秋復演孝經刪定六藝象與天談鉤河摘洛卻揆未然巍

巍蕩蕩與乾比崇

索結琦亭集乙瑛碑祇收奏而增以贊是碑祇敘奏而增以銘蓋法史記三王世家爲子瞻表忠觀碑所祖

樊毅復率下民租口算碑

光和二年十二月庚午朔十三日壬午因農太守

臣毅頓首歿臯上尚書臣毅頓首頓首歿臯次臯

謹案文書臣去元年十一月到官其十二月奉

祠西嶽華山省視廟舍及齋衣祭器率皆久遠有

垢故魯不修太室春秋作譏臣以神嶽至尊宜加
恭肅輒遣行事荀班與華陽令先讜以漸繕治成
就之後仍雨甘雪滋潤宿麥惠滋黎庶臣卽日以
詔書齋祠雪未消澤時日清和神歡民喜誠聖朝
勞神日昃庶被四表覆育之德神人被施遐邇大
小莫不幸甚臣毅頓首頓首歿臯歿臯讜又書言
縣當孔道加奉尊嶽一歲四祠養牲百日常當充
肥用穀彙三千餘斛或有請雨齋禱役費兼倍每
皮詔書調發無差山高聽下恐近縣小民不堪役
賦有飢寒之窘違宗神之敬乞差諸賦復華下十

里以內民租田口算以寵神靈廣祈多福隆中興
之祚臣輒聽行盡力奉宣詔書思惟惠利增異復
上臣毅誠惶誠恐頓首頓首歿臯歿臯上尚書掾
臣條屬臣淮書佐臣謀囹農六守上祠西嶽乞縣
賦發差復華下民十里以內租田口算狀

碑敘奏請而不載所奏例

史晨孔龢諸碑或兼載詔答或祇載奏請亦有皆不
載而獨虛敘其事者今舉一以例其餘

白石神君碑

蓋聞經國敘民莫急於禮禮有五經莫重於祭祭

有二義或祈或報報以章德所以弭害古先哲王

類帝禮宗望於山川徧於羣神建立兆域修設壇

屏所以昭孝息民輯禦上下也白石神君居九山

之數水經有九山廟碑云九顯靈府君參三條之

壹隸釋馬融王肅皆以導汧為北兼將軍之號兼

斧鉞之威授堂金石跋漢季封號已如體連封龍

氣通北嶽幽贊天地長育萬物觸石而出膚寸而

合不終朝日而澍雨露洽前後國縣屢有所請指

日剋期應時有驗猶自挹損不求禮秩縣界有六

名山案常山國元氏縣有三公塞白石塞又有封

龍山靈山無極山光和詔書出元氏縣給四

和四年三公守民蓋高等如為無極山詣太常求

法食相縣以白石神君道德灼然乃具載本末上

尚書求依無極為比即具聽許於是遂開拓舊兆

改立殿堂營宇既定禮止有常縣出經用備其犧

牲奉其圭璧絜其粢盛酒欣次燔炙芬芬敬恭

明祀降福孔殷故天無陰也無蠱陽水無沉氣

火無灾燁時無逆數物用能光遠宣朗顯

融昭明年穀歲熟百姓豐盈粟斗五錢國界安嚮

余乃陟景山登崢嶸采石勒功名其辭曰

巖巖白石峻極太清皓皓素質因體為名惟山降
神髦士挺生濟濟俊乂朝野充盈灾害不起五穀
熟成乃依無極聖朝見聽遂與靈宮於山之陽營
宇之制是度是量卜云其吉終然允臧匪奢匪儉
率由舊章華殿清閑肅雍顯相元圖靈象穆穆皇
皇四時禋祀不愆不忘擇其令辰進其馨香犧牲
玉帛黍稷稻糧神降嘉祉萬壽無疆子子孫孫永
永番昌

案碑後列常山相元氏令長丞尉及祠祀掾石師
姓名三續題云燕元璽三年正月十日主簿程疵
家門傳白石將軍教吾祠今日為火所燒語可見
當時已有邪教其後黃巾黑山白波黃龍羣賊並

起米賊張魯至以左道煽民自號師君其來學者
謂之鬼卒從受學者出五斗米張牛角等自相名
號以騎白馬者為白騎聲大者為雷公曉須者為
于祗根眼大者為李大目與明季流賊相同其風
蓋起於東漢之末所從來久矣

又案曝書亭集所云蓋高者合之無極山碑特常
山一妄男子耳先是光和四年馮巡詣三公山請
兩神使高傳信即與封龍無極共與雲雨賽以白
羊高等遂詣太常索法食越二年具載神君始末
上尚書即見聽許碑陰有榜城神君李女神博石
神君壁神君名號殆因白石而充類名之碑建於
光和六年是歲
妖、張角起矣

碑中具載官文書例

碑有不能不載官文書者宜依漢為準而斟酌變通
之漢碑之載官文書者亦多惟孔龢碑始末周具其

體式可見者三三公奏天子一也朝廷下郡國二也郡國上朝廷三也中間又參錯司徒公某字某三行又贊曰一行始出掾史所題文不多而公私文武備焉故舉以為例

孔廟置百石卒史孔龢碑

司徒臣雄司空臣戎稽首言魯前相瑛言詔書崇聖道勉學藝孔子作春秋制孝經刪述六經演易繫辭經緯天地幽贊神明故特立廟褒成侯四時來祠事已即去廟有禮器無常人掌領請置百石卒史一人典主守廟春秋饗祀財出王家錢給犬

洒直

兩漢金石記犬字似是犬字蓋即須報謹問發也既省發為友又省友為犬耳

太常祠曹掾馮牟史郭元辭對故事辟雍禮未行祠先聖師侍祠者孔子子孫太宰太祝令各一人皆備爵太常丞監祠河南尹給牛羊豕雖各

缺一字

一大司農給米祠臣愚以為如珙言孔子大聖則象乾坤為漢制作先世所尊祠用眾牲長吏備爵今欲加寵子孫敬恭明祀壽於罔極可許臣請魯相為孔子廟置百石卒史一人掌領禮器出王家錢給犬洒直他如故事臣雄臣戎愚戇誠惶誠恐頓首頓首效臯效臯臣稽首以聞制曰可

元嘉三年三月廿七日壬寅奏雒陽宮

司徒公河南原武吳雄字季高

司空公蜀郡成都趙斌字意伯

元嘉三年三月丙子朔廿七日壬寅司徒雄司空
斌下魯相承書從事下當用者選其年卅以上經
通一藝雜試通利能奉因先聖之禮爲宗所歸者
如詔書書到言

永興元年六月甲辰朔十八日辛酉魯相平行長
史事卞守長擅叩頭歿臯敢言之司徒司空府壬
寅詔書爲孔子廟置百石卒史一人掌主禮器選

卅以上經通一藝雜試能奉因先聖之禮

所歸者平叩頭叩頭歿臯歿臯謹案文書守文
掾魯孔龢師孔憲戶曹史孔覽等雜試龢修春
巖氏經通高弟事母至孝能奉先聖之禮爲宗比
歸除龢裊名狀如牒平惶恐叩頭歿臯歿臯上司
空府

贊曰巍巍大聖赫赫彌章相乙瑛字少卿平原高

唐人令鮑曇字文公一黨屯畱人所教稽古若重

規缺乙君祭舉守宅除吏孔子十九世孫麟廉請

置百石卒史一人鮑君造作百石吏舍功垂無窮

於是始缺

案隸釋碑兩元嘉三年及永興元年皆平缺司徒府司空府及贊曰亦平缺第八行制曰可高出一字

案金薤琳瑯元嘉三年三月蓋是年五月始改永興至十月而雄武亦罷免金石萃編武以增阿梁冀為清議所不齒范史李固傳贊云其視吳廣趙武猶糞土也此因循例轉奏列名首行亦金石

之玷不知

又案贊止二語他碑所無而贊下直接題名又頌相乙瑛及相今續事恐是立碑後所增入漢例往

是往如

碑載長符檄例

孔龢史晨諸碑所列文書皆奏牘也韓仁碑則其事

非朝廷指麾乃司隸交尉自下文書耳漢刻類出於

部吏此獨出於長官蓋漢人猶得自行其意長官於

所屬全則薦其才歿則旌其代如此為後人刻臺以

符檄例之所本

聞心長韓仁碑

熹一年十一月甲子朔廿二日

下河南尹

空明興統非任素無績勲宣善

下仁前在 嘉經

國以禮刑政得中有子產君子

下尉表上遷槐里

令除書未到不幸短命喪身為

下祀則祀之王制

之禮也書到郡遣吏以少牢祀

下勒異行勗厲清

惠以旌其美豎石訖成表言如律下十一月廿二

日乙酉河南尹君丞憲謂京寫下墳道頭訖成表

言會八世日如律令

案李獻能跋兩漢重循吏而韓之名不見於史

金石存律令三字漢人公移中語史記儒林傳

及前漢不博傳陳琳為袁紹檄豫州文東觀餘

論載破美檄皆存之惟見於碑刻者少潛研堂金

石文跋尾額稱循吏賢之也仁自聞憲遠槐里令

除書未到一故額不云槐里令也授堂金石跋

百官志尹下一故人不見有君丞之文忙見於陽

朔元年銅原足一銘則自前漢有之亦如令丞長

謂丞之

嶽瀆司廟碑例

漢碑大抵部掾頌其府主之辭雖嶽瀆祠廟之碑不

專為嶽瀆祠廟而作必兼頌其獻享之人陳乞之事

或即紀於文後或就紀於文中亦即昌黎南海神廟

東坡表忠觀之所從出今約舉數篇以概其餘

西嶽華山廟碑

周禮職方氏河南山鎮曰華謂之西嶽春秋傳曰

山嶽則配天乾坤定位山澤通氣雲行雨施既成

萬物易之義也祀典曰日月星辰所昭印也祭法

印瞻昭二字古韻不通當考地理山川所生殖也功加於民祀

以報之禮記曰天子祭天地及山川歲徧焉自三

五迭興其奉山川或在天子或在諸侯是以唐虞

疇咨四嶽五歲壹巡狩皆以四時之中月各省其
方親至其山柴祭燔燎夏禘則未聞所損益周監
於二代十有二歲王巡狩殷國亦有事於方嶽祀
以圭璧樂奏六歌高祖初興改秦淫祀太宗承循
各詔有司其山川在諸侯者以時祠之孝武皇帝
修封禪之禮思登假之道巡省五嶽禋祀豐備故
立宮其下宮曰集靈宮殿曰存僊殿門曰望僊門
仲宗之世重使使者持節祀焉歲一禱而三祠後
不承前至於亾新寢用邛墟訖今垣址營兆猶存
建武之元事舉其中禮從其省但使二千石以歲
時往祠其有風旱禱請祈求靡不報應自是以來
百有餘年有事西巡輒過享祭然其所立碑石刻
紀時事文字摩滅莫能存識延熹四年七月甲子
宏農太守安國亭侯汝南袁逢掌華嶽之主位應
古制修廢起頓閔其若茲深達和民事神之義精
通誠至禱祭之福乃案經傳所載原本所由銘勒
斯石垂之于後其辭曰

巖巖西嶽峻極穹蒼奄有河朔遂荒華陽觸石興
雲雨我農桑資糧品物亦相瑤光崇冠二州古曰
雍梁馮于幽岐文武克昌天子展義巡狩省方玉

帛之贊禮與岱亢六樂之變舞以致康在漢中葉
建設宇堂山嶽之守是秩是望侯惟安國兼命斯
章尊修靈基肅共壇場明德惟馨神歆其芳遏穰
凶札孽斂吉祥歲其有十民悅無疆

袁府君肅恭明神身碑飾闕會遷京兆尹孫府君
到欽君嘉業遵而成之延熹八年四月廿九日甲
子就

袁府君諱逢字周陽汝南女陽人孫府君諱璆字
山陵安平信都人時令朱頡字宣得甘陵鄆人丞
張房字少游河南京人左尉唐佑字君惠河南密
人主者掾華陰王萇字德長

京兆尹勅監都水掾霸陵杜遷市石遣書佐新豐
郭香察書刻者潁川邯鄲公修蘇張工缺君欽

案隸釋東漢循王莽之禁無二名郭香察書者宗
菴他人之書小歐陽以為郭香察所書者非也以
宣帝為仲宗則是借仲為中金石文字記律歷志
有太史治歷郎仲郭香豈其人歟金文編碑以
房為昉房昉皆說文所無徐氏新坵昉字云昉明
也隱五年公羊傳昉於此乎石經作放經典本在
昉字碑張房
蓋漢時俗字

樊毅修華嶽碑

山經曰泰華之山削成四方其高五千仞廣十里
周禮職方氏華謂之西嶽祭視三公者以能興雲

雨產萬物通精氣有益於人則祀之故帝舜受堯
 歷數親自巡省設五鼎之奠柴燎堙埋致敬神祇
 艾用昭明百穀繁殖黎民時雍鳥獸率舞鳳皇來
 儀暨夏殷周未之有改也其德休明則有禎祥茲
 淫臊熾篤災必降秦違其典璧遺鎬池二世以亾
 漢祖應運禮遵陶唐祭則獲福亦世克昌亾新滔
 逆鬼神不享建武之初彗掃頑凶更率舊章敢用
 罔牲牲牲必充天惟醇佑萬國以康光和二年有
 漢元舅五侯之冑謝陽之孫水經注泚水西南流
 謝水注之樊丹封謝
陽侯即其國范書樊氏侯者
 五國樊丹封射陽侯者誤也曰樊府君諱毅字仲

德承考讓國家於河南究職州郡辟公府除防東
 長中都令誅強競撫瘠民二鄙以清命守斯邦威
 隆秋霜恩踰冬丁景化暨宣猶復夕惕惟寵祿之
 報順民之則孟冬十月齋祀西嶽以傳窄狹不足
 處尊卑廟舍舊久牆屋傾亞世室不修春秋作譏
 特部行事荀班與縣令先讜以漸補治飾中外觀
 圖珍琦畫恠獸嶽瀆之精川出禎秀役不干時而
 功已著暫勞久逸神永有憑自古泰山邴邑繇存
存謂不
 收租稅五嶽尊同哀此勤民獨不賴福乃上復十
 里內工商農賦克厭帝心嘉瑞仍奮風雨應時澱

潤品物君舉必書况乃盛德惠及神人可無述焉
於是功曹郭敏主簿魏襲戶曹史許禮等遂刊元
石銘勒鴻勳垂曜意齡永有昭識其辭曰

兩儀剖判清濁分陽凝成山陰積爲川泰氣雍
否洪波汎臻堯命伯禹決江開汶神靈既定恩覆
兆民乃列祀典辨於羣神因瀆祭地嶽以配天世
主遵修永享歷年赤銳煌煌受茲介福京夏密清
殊俗賓服令問不違可謂至德德音孔昭實惟我
后出自中興大漢之舅本枝繁昌延慶長久俾守
西嶽達奉神禮改傳飾廟靈則有濟降瑞畲祚景
風凱悌惟風及雨成我稷黍穡民用章康艾室空
刊銘紀誦克配梁甫

華山亭碑

惟光和元年歲在戊午名曰咸池季冬己巳園農
太守河南樊君諱毅字仲德下車之初恭肅神祀
西嶽至尊詔書奉己躬親自往省從勞謙卽事有
漸散齋華亭齋室逼窄郡縣官屬法齋無處尊卑
錯綜精誠不同畏入一風逢斯瘴怒時雨不興甘
澍布念存黔首懼闕曠素於是與令巴郡胸忍
先讜公謀圖議繕故新度掃廓立室異處左右砥

之莫不競慕二年正月己卯興就既成方亢休嘉
啓寤各得竭情福祿是頌刊
號吏卒俠路其

辭曰

巖巖西嶽五鎮次宗緒德之師太華優隆皇帝永
思祀典孔明高神肯宴珪璧執通赫赫在上以畜
萬邦惟嶽降神實生羣公卿士百辟纘業攸蒙帝
命不違歲事報功后辟命卿散齋外亭敬恭明祀
以奉皇靈處所迥窄肩宰有聲神樂其靜脩翬無
形尊卑有敘絜心致誠因繕舊室整頓端平在其
板屋孰不加精天人同道萬祚是迎既受帝祉延

於後生爲隴爲光纁又王定爲公爲仁

祿來

刊石紀號永享利貞

桐柏淮源廟碑

延熹六年正月八日乙酉南陽太守中山盧奴

缺

君處正好禮尊神敬祀以淮出平氏始於大復潛

行土中見於陽口立廟桐柏春秋宗奉灾異告愬

水只誦求位比諸侯聖漢所尊受珪上帝太常中

甲郡守奉祀濟絜祀祭從郭君以來廿餘年不復

身至遣丞行事簡略不敬明神帑歆灾害以生五

嶽四瀆與天合德仲尼慎歿

亦在君準則大

聖親之桐柏奉見廟祠崎嶇這狹開拓神門立
四達增廣壇場飭治華蓋高大殿宇缺齊傳館石

獸表道靈龜十四案古墓制有石羊虎馬據此則漢廟制亦用石獸并有石龜也

衢廷宏敞宮廟嵩峻祇慎慶祀一年再至躬進三

牲執玉以沈為民祈福靈祇報佑天地清和嘉祥

昭格禽獸碩茂草木芬芳黎庶賴社民用作頌其

辭曰

泣泣淮源聖子所導湯湯其地惟海是造疏穢濟

遠柔順其道弱而能強仁而能武不舍晝夜明哲

所取寔為四瀆與河合矩烈烈明府案漢碑所稱府君者皆鄂

守明府亦然南雷黃氏所謂者蓋稱府君者亦惟唐宋以後之例耳好古之則虔恭

禮祀不愆其德惟前廢弛匪躬匪力灾青以興陰

陽以忒陟彼高岡臻茲廟側肅肅其敬靈祇降福

雍雍其和民用悅服穰穰其慶年穀豐殖望君輿

駕扶老攜息慕君塵軌奔走忘食懷君惠賜思君

罔極于胥樂兮傳千萬億

春侍祠官屬五官掾章陵劉訢功曹史安眾劉瑗

主簿秦陽缺茂戶曹史宛任巽

秋五官掾新缺梁懿功曹史酈周謙主簿安眾鄧

疑主記史宛趙缺戶曹史宛謝綜

案東海廟碑殘剝不成文三公山碑無極山碑其事不典且已存白石神君一碑可以概見故皆置錄不

重修道路橋梁碑例

漢碑記所興道路橋梁功役者至多若穀阮及桂陽太守周憬諸碑皆無可為例惟楫為楊君碑原委周悉鄙君碑兼紀用功用瓦及其錢粟之數何君閣道羊竇道等碑文字簡質真是記體為唐一代作記者法所自始故錄以為例

故司隸校尉楫為楊君頌

惟坤靈定位川澤攸同澤有所注川有所通斜谷

之川其澤南隆八方所達益域為衝高祖受命興於漢中道繇子午出散入秦建定帝位以漢詆焉後以子午塗路並難更隨圍谷復通堂光凡此四道垓鬲尤艱至于永平廿有四年詔書開斜鑿通石門中遭元二

案諸家釋文有作元年二年解

西夷虐殘

橋梁幽絕子午復修上則縣峻屈曲流巔下則入冥傾寫輸淵平阿淖泥常蔭鮮晏木石相距利磨礪盤臨危槍碭履尾心寒空輿輕騎遘尋弗前惡蟲慙獸蛇蛭毒蠆未秋截霜稼苗天殘終年不登匱餒之患卑者楚痛尊者弗安愁苦之難焉可具

言於是明知故司隸校尉楗爲武陽楊君厥字孟
文深執忠伉數上奏請有司議駁君遂執爭百僚
咸從帝用是聽廢子由斯得其度經功飭爾要敞
而晏平清涼調和烝烝艾嚮至建和二年仲冬上
旬漢中太守楗爲武陽王升宰稚紀涉厯山道推
敘本原嘉君明知美其仁賢勒石頌德以明厥勲
其辭曰

君德明明炳煥彌光刺過拾遺厲清八荒奉魁
杓綏億衙疆春宣聖日秋貶若霜無偏蕩蕩真雅
以方嚮靜烝庶政與乾通輔主匡君循禮有常咸
曉地理知世紀綱言必忠義匪石厥章恢宏大節
讜而益明揆往卓今謀合朝情釋艱卽安有勲有
榮禹鑿龍門君其繼蹤上順斗極下答坤皇自南
自北四海攸通君子安樂庶士悅雍商人咸熹農
夫永同春秋記異今而紀功垂流億載世世歎誦

案誦與頌通
頌與容通

敘曰明哉仁知豫識難易原度天道安危所歸勤
勤竭誠榮名休麗

五官掾南鄭趙邵字季南屬褒中鼂漢彊字產伯
書佐西成王戎字文寶主

王府君閔谷道危難分置六部道橋特遣行丞事
西成韓朗字顯公都督掾南鄭魏整字伯玉後遣
趙誦字公梁案警中曹卓行造作石積萬世之基
或解高格下就平易行者欣然焉

伯玉即日徙署行丞事守安陽長

案隸釋云水經及歐趙皆謂之楊厥碑蜀中晚出
碑云司隸校尉楊君厥諱淮字伯邳始知厥為語
助蓋後政尊之不名順帝紀延光四年詔益州刺
史罷子午谷道通褒斜道蓋從其請也兩漢金石
記頌為建和二漢中太守王升所立其主鑄石
之役者鼂漢王武二人頌後低格書之已開後人
系撰書姓名之式廣雅云積艸名類篇云一日艸
積蓋易艸積為石也未伯玉徙官十三字乃於前
文之下空七格書之非提行低七格也金石萃編
碑中命字升字誦子垂筆甚長而命字幾過二格

與李孟初碑年字相
似皆漢隸所僅見者

卞玉磨厓表紀

故司隸校尉楊君厥諱淮字伯邳舉孝廉尚書侍
郎上蔡洛陽令將軍長史任城金城河東山陽太
守御史中丞王為尚書尚書令司隸校尉將作大
匠河南尹伯邳從弟諱弼字穎伯舉孝廉西鄂長
伯母憂去官復舉孝廉尚書侍郎遷左丞冀州刺
史太醫令下邳相元弟功德牟盛當究三事不幸
早隕國喪名臣州里失覆二君清缺約身自守俱
大司隸孟文之元孫也

黃門同郡卞玉字子珪以熹平二年二月廿二日

謁歸過此追述勒銘故財表紀

案兩漢金石記此文與石門頌同刻於石門之厓故文尾特書曰大司隸孟文之孫此一句即二碑之貫紐也其云過此當即非過墓之謂也洪氏誤以為過墓題之曰碑又案同郡行過此又一友故迹追而為之題志非墓非祠兼表其弟此又一例也漢碑中亦不數數然也備一體以

漢鄯君修褒斜道碑

永平六年漢中郡以詔書受廣漢蜀郡巴郡徒二千六百九十人缺過褒斜道太守鉅鹿鄯君部掾

治級王國史荀茂張宇韓岑弟典功作太守丞缺

字楊顯將作周始作橋閣六百二十三閒大橋五

為道二百五十八里郵亭驛置徒司空褒中縣官

寺并六十四所凡用功七十六萬六千八百餘人

瓦世六萬九千八百四器用錢百四十九萬九千

四百餘斛粟九年四月成就益州東至京師去就

安隱

蜀郡太守何君閣道碑

蜀郡太守平陵何君遺掾臨邛舒鮪將徒治道造

尊榭閣表五十五丈用功千一百九十八日建武

中元二年八月就道史任雲陳春主

案隸釋東漢隸書斯為之首蜀人以為尊榘閣碑棧道謂之閣道非樓閣之閣也莽漢之時習俗相尚以即位初元冠於新歷之上故此碑有建武中元之文八月作六月

漢安長陳君閣道碑

永建五年孟春下旬漢安長蜀郡青衣陳君到官

字約垂意惠民施無為之政行不言之教德化

流行盜賊缺少五穀豐茂百姓晏然各得其所君

思所以利民大小悉備此道本有根閣二百餘丈

字穿陷壞絕車馬僵頓常以農時發民缺治歲

歲造虔直世餘萬君躬自案行以眇思省去根閣

令就土著長無勞費為萬世基百姓行人驩悅歌

詠郵亭掾尹厚字臣有述君之義故勒此石以

示後賢其辭曰

惟此故道險阻危難根閣院缺臨江緣山秋雨水

潦字陷穿車馬僵頓修隊隕顛行旅困苦發賦

加民乃至於今遭我陳君舍道施德蹈義履仁治

合中和化行若神清過夷齊行同參騫以身率下

非禮不言思惟儉約所以利民追哺缺飯露宿草

缺百姓安樂不勞不煩又省此閣就乎平便民無

經賦行人離患時丞馮卿廉約勤勤好施樂善欽

承奉宣掾史遵憲各建忠缺咸缺百福子子孫孫

時道橋掾董缺二

案隸釋根字未詳所出所謂根閣者猶鄱閣棧閣之比也

青衣尉趙孟麟羊竇道碑

羊竇道舊故南上高山下入深谷危峻回遠百姓

患苦永初六年青衣尉南安趙孟麟更易由此道

濱江平澤無盜賊差近廿里騎馬擔負水弱得過

除去危難行人萬姓莫不蒙恩傳于無究乎

維世青衣尉趙君故治所書佐郡督郵隨牒除到

官六日郡召守蜀鐵官長積四月治狀分明徙守

成都今復還歸尉官羊竇故道高之君虔穿厓易

道盜賊懲止老弱往來無患時典主首積谿

故吏梁汜捕盜賊王雷百姓過者皆若延壽

萬年書此巨盛永元十一月九日造

案此碑永元八年事今本

書年而第書月荒略之甚

武都太守李翕天井道碑

蓋除患調難為惠鮮能行之斯道狹阻有坂危峻

天井臨深之阨冬雪則凍渝夏雨滑汰頓躓傷害

民苦拘駕推排之役勤勞已過者戰戰以為大

戒太守漢陽阿陽李君履之若辟風雨部西部道

橋掾李璽鈔鏗鎚西阪天井山止缺八丈四尺堅

無陷潰安無傾覆四方賴之民悅無疆君德惠也

刊勒紀述以示萬載建御五年四月廿五日巳酉

訖成

案碑後丞掾從事題名與西狹大同小異其中有
一行曰從史位下辨仇靖字漢德書文然則此文
亦仇靖撰之而書之也漢碑所稱從史位從掾位
者殆裏行借職之類其府主辟為掾史猶或待闕
未真授耳

重修官舍碑例

漢碑敘世系往往但書其官不書名字惟曹全則自

高祖以下具列焉案其文所由作僅僅為開南寺門

廓廣聽事官舍廷曹廊閣而已蓋今重修衙署之記

也敘末自言嘉慕奚斯考甫因而作頌官中考室固

宜有銘昌黎鄆州谿堂之作有敘有詩或本于是故

例之

郃陽令曹全碑

君諱全字景完敦煌效穀人也其先蓋周之胄武

王秉乾之機翦伐殷尚既定爾勲福祿攸同封弟

叔振鐸于曹國因氏焉秦漢之際曹參夾輔王室

世宗廓土席竟子孫遷于雍州之郊分止右扶風

或在安定或處武都或居隴西或家敦煌枝分葉

布所在爲雄君高祖父敏舉孝廉武威長史巴郡
昫忍令張掖居延都尉曾祖父述孝廉謁者金城
長史夏陽令蜀郡西部都尉祖父鳳孝廉張掖屬
國都尉丞右扶風險廩侯相金城西部都尉北地
太守父琫少貫名州郡不幸蚤世是以位不副德
君童齒好學甄極忠緯無文不綜賢孝之性根生
于心收養季祖母供事繼母先意承志存亾之敬
禮無遺闕是以鄉人爲之諺曰重親致歡曹景完
易世載德不隕其名及其從政清擬夷齊直慕史
魚歷郡右職上計掾史仍辟涼州常爲治中別駕

紀綱萬里朱紫不謬出典諸郡彈枉糾邪貪暴洗
心同僚服德遠近憚威建嚮二年舉孝廉除郎中
拜西域戊部司馬時疏勒國王和德弒父篡位不
供職貢君興師征討有吮膿之仁有分醪之惠攻
城野戰謀若涌泉威侔諸貴和德面縛歸死還師
振旅諸國禮遺且二百萬悉以簿官遷右扶風槐
里令遭同產弟憂棄官續遇禁网潛隱家巷七年
光和六年復舉孝廉七年三月除郎中拜酒泉祿
福長沃賊張角起兵幽冀兗豫荆揚同時竝動而
縣民郭家等復造逆亂燔燒城寺萬民騷擾人懷

不安三郡告急羽檄仍至于時聖主詔諏羣僚咸
曰君哉轉拜邵陽令收合餘燼芟夷殘逆絕其本
根遂訪故老商量雋艾王敞王畢等恤民之要存
慰高年撫育鰥寡以家錢糴米粟賜瘠即瘠旨大
女桃斐等合七首藥神明膏親至離亭部吏王臯
程橫等賦與有疾者咸蒙瘳悞字快惠政之流甚
于置郵百姓緼負反如雲戢治廨屋市肆列陳
風雨時節歲獲豐年農夫織婦百工戴恩縣前以
河平元年遭白茆谷水灾害退于戌亥之間興造
城郭是後舊姓及修身之士官位不登君乃閔縉

紳之徒不齊開南寺門承望華嶽鄉明而治庶使
學者李儒欒規程寅等各獲人爵之報廓廣聽事
官舍廷曹廊閣升降揖讓朝覲之階費不出民役
不干時門下掾王敞錄事掾王畢主簿王歷戶曹
掾秦尚功曹史王顓等嘉慕奚斯考甫之美乃共
列石紀功其辭曰

懿明后德義章貢王庭征鬼方威布烈安殊荒還
師旅臨槐里感孔懷赴喪紀嗟逆賊燔城市特受
命理殘圯芟不臣禦命首繕官寺開南門闕嵯峨
望華山鄉明治惠沾渥吏樂政民給足君高升極

鼎足

中平二年十月丙辰造

案金石存銘後空二三行許然後書年月一行又
 復書于行末金石文字記入一舍去郡縣遠者謂
 之離亭其在郭內者謂之都亭銘中吏樂政民給
 足君高升極鼎足二足字原非一義可以連押昌
 黎之重用韻本此古人有重用而并非異義者如
 雲漢詩三章周餘黎民靡有孑遺昊天上帝則不
 我遺焦仲卿妻詩此婦無行節舉動自專
 由吾意久懷忿汝豈得自由亦皆連押
 又案楊君碑通篇韻辭曰之後又有敘曰此楚
 辭重曰例也鄙君碑通篇散行不用韻此秦刻石
 也例

碑版文廣例卷一

碑版文廣例卷二

長洲王芭孫念豐輯

漢

德政遺愛碑例

德政遺愛之碑今功令禁不得立然其文自漢有
 之耿勳碑作於勳在位之時張遷碑作於遷去官之
 後碑尾各紀立石歲月此漢碑之整潔可法者也

案張納碑亦德政遺愛頌也而題其首曰巴郡人
 守都亭侯張府君功德敘碑陰既列從事掾史姓
 名矣其末一行曰中平五年三月上旬書君升台
 祚承天百福子孫千億漢碑類皆紀日茲不書日
 而書旬漢碑類皆不紀書石茲獨不曰造而曰書
 下綴吉語此又一例也敘首立姓定氏應天文象

石片履
與柳敏之遠追柳宿同碑缺
字多文可意得不更錄矣

武都太守耿勳碑

漢武都太守右扶風茂陵耿君諱勳字伯璋其先
本自鉅鹿世有令名爲漢建功俾侯三國卿守將
帥爵位相承以迄於君君敦詩悅禮家仍典軍壓
難和戎武慮慷慨以得奉貢上計廷陳惠康安遏
之謀上納其謨拜郎上黨府丞掌令考績有成符
莢缺昨熹平二年三月癸酉到官奉宣詔書良閱
垂恩猛不殘義寬不宥姦喜不縱慝威不戮仁賞
恭罰否畀與缺流其於統系寵存贈亡篤之至也

歲在癸丑厥運淫雨傷害稼穡率土普議開倉振

澹身冒炎赫火星之熱至屬縣巡行窮匱陟降山

谷經營跋涉草止露宿扶浴餐饗千有餘人出奉

錢兩

缺二

振衣賜冷漬乏發荒田耕種賦與寡獨

王佳小男楊孝等三百餘戶減省貪吏二百八十

人勸勉趨時百姓樂業者得終其壽幼者得以

全育甘棠之慶不是過矣又開故道銅官鑄作錢

器興利無極外羌且

缺

等怖威悔惡重譯乞降修

治狹道分子效力役大小民得衆兆之歡心可謂

印之若明神者已夫美政不紀人無述焉國人僉

歎刊勒斯石表示無窮其辭曰

泰華惟岳神曜吐精育茲令德既喆且明寔謂耿
君天胙顯榮司牧莅政布化惟成柔嘉惟則穆如
風清勤恤民隱拯阨扶傾匪皇啓處東撫西征赤
子遺慈以活以生山靈挺寶函災乃平愷悌父母
民賴以禦

熹平三年四月廿日壬戌西部通橋掾下辨李祿
造

漢故穀城長蕩陰令張君表頌

君諱遷字公方陳畱已吾人也君之先出自有周

周宣王中興有張仲以孝友爲行披覽詩雅煥知
其祖高帝龍興有張良善用籌策在帷幄之內決
勝負千里之外析珪於畱文景之間有張釋之建
忠弼之謨帝游上林問禽獸所有苑令不對更問
嗇夫嗇夫事對於是進嗇夫爲令令退爲嗇夫釋
之議爲不可苑令有公卿之才嗇夫喋喋小吏非
社稷之重上從言孝武時有張騫廣通風俗開定
畿寓南苞八蠻西羈六戎北震五狄東勤九夷荒
遠既賓各貢所有張是輔漢世載其德爰既於君
蓋其纒縵纒纒戎鴻緒牧守相繫不隕高問孝弟於

家忠謇於朝治京氏易聰麗權略藝於從政少爲
郡吏隱練職位常在股肱數爲從事聲無細聞徵
拜郎中除穀城長蠶月之務不閉四門臘正之際
休囚歸賀八月算民不煩於鄉隨就虛落存恤高
年路無拾遺犁種宿野黃巾初起燒平城市斯縣
獨全子賤孔蔑其道區別尚書五教君崇其寬詩
云愷悌君隆其恩東里潤色君垂其仁邵伯分陝
君懿於棠晉陽佩璋西門帶絃君之體素能雙其
勲流化八基遷蕩陰令吏民頡頏隨送如雲周公
東征西人怨思奚斯讚魯考父頌殷前詰遺芳有
功不書後無述焉於是刊石豎表銘勒萬載三代
以來雖遠猶近詩云舊國其命惟新

於穆我君既敦既純雪白之性孝友之仁紀行來
本蘭生有芬克疑有兆綏御有勲利器不覲魚不
出淵國之良幹垂慶在民蔽芾棠樹溫溫恭人乾
道不繆惟淑是親既多受祉永享南山千祿無疆
子子孫孫

惟中平三年歲在攝提二月震節紀日上旬陽氣
厥析感恩舊君故吏韋萌等僉然同聲賃師孫興
刊石立表以示後昆共享天祚億載萬年

案金石存韓非子西門豹之性急故佩韋以緩已董安于之性緩故佩紘以自急今碑中倒用之璋即韋兩漢金石記碑合頌表僅五百言而其敘張氏先世居三之一亦似太煩此固不可入潘昂霄王止仲之例者矣頌文無頌曰字碑尾紀年月後又若頌詞者文與書皆不可以常格例

碑紀祥瑞例

李翁黽池五瑞圖摩崖刻於西狹頌之前以其在前故頌首先書其事而後及西狹之役漢人圖祥瑞而刻於石者不止此此其尤著也為昌黎河中府連理木頌所本始故舉以為例

黽池五瑞圖

黃龍

白鹿

嘉禾

木連理

甘露降

承露人

君昔在黽池修峻欽之道德治精通致黃龍白鹿之瑞故圖畫其象

上官掾上祿上官正字君選

缺四上祿楊嗣字文明

缺四下辨李京字以都

案隸釋電池有二嶠屬宏農郡曰修嶠嶽之道者公羊傳所云嶠之嶽巖文王之所避風雨也文蓋此本

銘勒武功例

漢世紀功若楊雄趙充國頌皆韻語自是水讚班固封燕然山前後銘乃正格也近新壩口庫勒所出裴岑早不用韻其文雄直其氣振厲始兵者自為之有秦皇帝刻石之遺風焉故與班氏作竝舉為例

班孟堅封燕然山銘

惟永元元年秋七月有漢元舅曰車騎將軍憲

寅亮聖皇登翼王室納於大麓惟清緝熙乃出執

金吾耿秉述巡禦治兵於朔方鷹揚之螭虎

之士爰該六暨南單于東胡烏桓西戎氐羌侯

王丑長之羣驍騎十萬元戎輕武長轂四分雷輜

路三十餘乘勒以八陣苾以威神元甲耀

日朱旂絳二遂凌高闕下雞鹿經磧函絕大漠斬

溫禺以學故血尸逐以染鏑案後漢書匈奴大臣

左右溫鞮王皆單于子弟次第當為然後四校

橫徂且流彗掃蕪條萬里野無遺寇於是域滅區

燭八旆而旋考傳驗圖窮覽其山川遂踰涿野跨

安侯河名乘燕然躡冒頓之區落焚老上之龍庭

將上以攄高文之宿憤光祖宗之元靈下以安固

後嗣恢拓境宇振大漢之天聲茲可謂一勞而久

逸暫費而永禦也乃遂封山刊石昭明盛德其辭

曰

鑠王師兮征荒裔東凶虐兮截海外復其邈兮巨

地界封神邛兮建陛竭熙帝載兮振萬世

敦煌太守裴岑紀功碑

惟漢永和二年八月敦煌太守雲中裴岑將郡兵

三千人誅呼二等斬馘部眾克敵全師除西域

之灰即災蠲四郡之害邊郡又安振威到此立德

祠以表萬世

唐李克用曲陽北嶽廟題名州

河東節度使檢校太保同中書門下平章事隴西

郡王李克用以幽鎮侵擾中山領蕃漢步騎五千

萬眾親來救援與易定司空同申祈禱翌日過常

山問臯時中和五年二月廿一日克用記易定節

度使檢校司空王處存看題

案舊唐書幽鎮兩藩兵強易定疲於侵寇賴與太

原姻好每為之援即此事也晉王自將以救王處

存同禱於嶽廟看題猶答書也

至三月十七日以幽州請就和斷遂卻班師再謁
晬容兼申賽謝便取飛狐路卻歸河東廿一日克

用重記

又案唐姜行本紀功碑近出哈密城北庫舍圖嶺
唐書本傳所稱高昌之役磨去古刻更刊頌者是
也其首題曰大唐左屯衛將軍姜行本勒石
文其文在駢體中亦未殊勝不足錄今略其大意
以附於後

曰高昌國者乃是兩漢屯田之壁遺兵之所居麴
文泰即其苗裔也聖上愍彼蒼生申茲弔伐乃詔
使持節光祿大夫吏部尚書上柱國陳國侯君集
交河道行軍大總管副總管左屯衛大將軍上柱

國永_之都開國公薛萬均副總管左屯衛將軍上
柱國通川縣開國男姜行本等爰整三軍恭行天
罰以通川公深謀閒出妙思縱橫營造工具乃統
沙州刺史上柱國望都縣開國侯劉德敏右監門
中郎將上柱國富陽縣開國伯屈昉左武侯郎將
李海岸前開州刺史時德衡右監門府長王進威
等竝率驍雄鼓行而進以貞觀十四年五月十日
師次伊吾乃勒石紀功傳諸不朽

又案其碑左側別題兩行其一曰交河道行軍
總管左驍衛將軍某官吳仁領右軍若干其一行
曰交河道行軍總管左武衛將軍上柱國某縣開
國公牛進達領十五萬蓋古人紀功皆列兵數姜

碑三帥竝立而獨標行本始行本部將爲之耶要
之此例皆本於秦刻石亦可爲後人紀功者作
式故因裴岑碑而
增例之以備源流

紀造禮器例

書顧命禮明堂位周官考工述禮器樂器皆朝廷法
物及漢而所在祠廟有紀臣僚自爲闕置之舉韓勅
碑是也碑文參錯惑緯蓋自光武好圖讖東漢士至
以通七緯爲內學通五經爲外學其見諸碑版者於
郭有道則曰探綜圖緯於李伾則曰又精羣經於楊
震則曰明河洛緯度於祝穆則曰七典竝立於唐扶
則曰咀嚼七經於劉山曰覈妙七業於楊著則曰

窮七道之奧於蔡湛則曰少耽七典雖其頌孔子之
聖亦曰鉤河摘洛自是一代風尚流露於文辭自歐
陽氏有請刪除九經正義中讖緯劄子而魏了翁作
九經正義盡削去之讖緯之傳始絕要之緯書在漢
世固家絃戶誦之書也今存此一碑以例其餘

韓勅造孔廟禮器碑

惟永壽二年青龍在涖歎霜月之靈皇極之日魯
相河南京韓君追惟大古華胥生皇雄顏缺育缺
寶俱制元道百王不改孔子近聖爲漢定道自天
王以下至於初學莫不冀思歎印師鏡顏氏聖舅

家居魯親里并官聖妃在安樂里聖族之親禮所
宜異復顏氏并官氏邑中繇發以尊孔心念聖歷
世禮樂陵遲秦項作亂不尊圖書倍道畔德離敗
聖輿食糧亾於沙邛君於是造立禮器樂之音符
鐘磬瑟鼓雷洗觴觶爵鹿相植邊柅禁壺修飾宅
廟更作二輿朝車威熹宣抒元汙以注水流法舊
不煩備而不奢上合紫臺稽之中和下合聖制事
得禮儀於是四方士仁聞君風耀敬詠其德尊琦
大人之意卓爾之思乃共立表石紀傳億載其文
曰

皇戲統華胥承天畫卦顏育空桑孔制元孝俱祖

紫宮太一所授前闔九頭以什言教什言者十言也春秋正義

引易云伏羲作十言之教曰乾坤震巽坎離艮兌消息後制百王獲麟來吐

制不空作承天之語乾元以來三九之載八皇三

代至孔乃備聖人不世期五百載三陽吐圖二陰

出讖制作之義以俟知奧於穆韓君獨見天意復

聖二族倬越絕思修造禮樂胡璉器用存古舊宇

慤勤宅廟朝車威熹出誠造缺漆不水解工不爭

賈深除元汙水通缺注禮器升堂天雨降澍百姓

訢和舉國蒙慶神靈佑誠竭敬之報天與厥福永

享眉壽上極華紫旁暨皇代刊石表銘與乾運耀
長期蕩蕩於盛復授赫赫罔窮聲垂億載

案金石史歐陽永叔謂書傳無以敕命名者秦制天子之命為敕漢用秦法臣下豈敢以敕命名是誤以勅為敕也韓明府自名勅從力來聲音賚勞也亦作徠答勸曰勞撫至曰勅示有節也敕從支東聲誠也故為敕命之敕一字易淆故詳著之并官氏家語本注元古其字或誤作开大興翁氏曰宋鄧名世古今姓氏書辨證內有并官復姓顧南原隸辨吳山夫金石文存亦皆從并今國學江甯府學元明加封詔書碑皆作并楷隸相證愈無可疑曲阜桂氏曰禮器士大夫楸禁此碑旅即楸字玉篇楸几屬也太平御覽禁一名楸乙去切此碑後文皇戲皇字獨出格題高一字與前後行列不同且通首四字為句惟此一五字疑後人所妄加

追紀古迹例

漢人追紀古迹立祠表墓所在多有若堯母開母倉
頡孫叔敖老子諸碑皆是也今其文或剝蝕而不具
首尾或散漫了無義法各志大略以見異同亦可參
觀其得失云

成陽靈臺碑

惟帝堯母昔者慶都兆含穹精氏姓曰伊體蘭石
之操履規矩之度則乾坤之象通三光之曜游觀
河濱感赤龍交始生堯厥後堯來祖統慶都告以
河龍堯歷三河有龍授圖躬行聖政以育苗萌火
陽之盛先閭後罔遂以侯伯恢踐帝宮慶都僊歿

蓋成於茲欲人莫知名曰靈臺上立黃屋堯所奉
祠下營以水神龍所熹靈龜隱形汾踊波流比目
鮪魚濯鱗通泉 三代改易荒廢不修五運精還
漢受濡期興滅繼絕如堯爲之承祠期年鮪魚復
生故有靈臺嗇夫魚師衛士驛憲鮪魚服之延壽
字缺二之際道小衰沮遂遭亾新禮祠絕矣於是故
廷尉仲定深惟大漢隆盛德被四表太平未至靈
瑞未下 案經考典河洛秘奧漢感赤龍堯之苗
胄當修堯祠追遠復舊復治黃屋推原聖意灾生
變見天以譴告前後奏上陳敘大義招祥塞咎爲
漢來祚朝廷克省帝納其謀以春秋奉太牢祠

歸治黃殿令月吉日圖立規瑩興業會功厥處平
夷 前設大殿俟神之堂地致石墀其下清涼可
舞几 缺以缺大章時濟陰太守魏郡審晃成陽令

博陵管遵各遣大掾輔助仲君經之營之不日成

之神靈精氣依怙於人廢之則亾存之則神復帥

羣宗貧富相均共慕市碑著立功訓 缺勒石銘中

門之表卜擇元日齊革精誠先慶毛血謹慎犧牲

祈祠獲福神享其靈甘雨時降百穀熟成幽荒率

服徐方來庭萬國蒙祉黎元賴榮莫不被德咸歌

頌聲其辭曰

於赫慶都德彌大兮承神精耀統赤裔兮爰生聖
堯名蓋世兮上受符命恢帝制兮廣被之恩流荒
外兮歷紀盈千垂遺愛兮陵廟復崇享大祭兮上
來多怙降福沛兮萬國禧嚮孰不賴兮光宣美勳
永缺幣兮垂視罔極億萬歲兮

案此篇不用韻語先從堯母敘起然
後及表章之人與孫叔敖碑文相同

楚相孫君之碑

楚相孫君諱饒字叔敖本是縣人也六國時期思
屬楚楚都南郢南郢即南郡江陵縣也君受純靈
之精懷絕世之才有大賢次聖之質 及其爲相

布政以道考天象之度敬授民時聚藏於山殖物
於藪宣導川谷陂障源泉漑灌阪澤隄防湖浦以
爲池沼鍾天地之美收九澤之利以愍潤國家

專國權寵而不榮華一旦可得百金至於沒齒而
無分銖之蓄破玉玦不以寶財遺子孫終始若矢
去不善如絕絃辟患害於無形徹節高義敦良奇
介自曹臧孤竹吳札子罕之倫不能驂也生於季
末仕於靈王立溷濁而澄清處幽昏而照朗其遺
武餘典恨不與戲皇帝代同世世爲列姬國在朝

廷其意常墨墨若冠章甫而坐塗炭也 求其子
而加封焉子辭父有命如楚不忠臣社稷圖而
欲有賞必於潘國下濕境塢人所不貪遂封潘鄉
潘卽固始也三九無嗣國絕祀廢固始令段君夢
見孫君則存其後就其故祠遂架廟屋立石銘碑
春秋烝嘗明神報祚卽歲遷張掖太守及期思縣
宰段君諱光字世賢庶慕先賢體德允恭篤古尊
舊奉履憲章 臨縣一載志在惠康煦枯粟之慶
育藜蒸討掃醜類鰥寡是矜杜偽養善是忠表仁
感相孫君乃發嘉訓興祀立壇勤勤愛敬念意自
然刻石銘碑千載表績萬古標記福祐期思縣興
士熾孫氏蒙恩

漢延熹三年五月廿八日立

案篇中立石銘碑凡再見其一指固始令段君卽
此所立前碑是也其一指期思宰段君乃後碑是
也蓋碑陽碑陰同時并刻故後碑之立卽見於前
碑其敘少見歧首蛇及優孟事冗散皆不足錄

開母廟石闕銘

案嵩山有啓母廟漢避景帝諱改
啓之字曰開碑首先以題名曰

開母廟興治神道闕時太守缺二朱寵丞零陵泉

陵薛政五官掾陰林戶曹史夏效監掾陳修長西
河圍陽馮寶丞漢陽冀祕俊廷掾趙穆戶曹史張

詩將作掾嚴壽佐左福

案後列銘文皆四字句通首一韻其可誦者曰

爰納塗山辛癸之閒三過不入實勤斯民同心濟

厄字缺三正杞鄩漸替又遭亂秦聖漢福亨於茲馮

神翩彼飛雉字缺二其庭原祥符瑞靈支挺生字缺二

慕化陰陽穆清興雲降雨字缺二以字缺一竭比

性乾坤福祿來反相肩我君千秋萬祀子子孫孫

表碣銘功昭眊後字缺五延光二年下有重曰皆六字句末可誦者

神靈享而飴格釐我后以萬祺于胥樂而罔極永

懋載而保之

案後人有以紀年入韻語中例蓋本此凡有銘又有重有頌又有詩者前皆四字句後皆六字句一

倣周雅一擬楚騷漢例然也

又案嵩山尚有太室少室一石闕其剝蝕尤甚文不可讀然守丞掾史題名皆居銘後惟此以題名

發端太室闕於文字起訖處各以一圓圈標界其首此亦後人於文字中加圈之例所始

倉頡廟碑

劉君諱文下缺流德教於千里乃諏訪國老於

是乎著作教告倉頡天生德於大聖四目靈光

為百王作書以傳萬嗣法度非書不明含氣

庶品非書不記選有德聖裔以缺之良辰薦

祀復民五家乃作頌曰穆穆聖倉永久彌光

無德不報休嘉孔融後題劉明府大漢枝族應期

作弼宗禮崇樂以化末造勸詣辟雍碑側題云御縣朔

方臨戎孫羨下永壽二年朔方太守上郡仇君答

孝除郎中太原陽曲長延熹四年九月乙酉詔書

遷御令五年正月到官奉見劉明府立祠刊石表

章大聖之遺靈以示來世之末生謹出錢千百缺

者下行自紀姓名碑額穿右別有左馮翊東牟平

陵衡君諱缺字缺升以熹平六年五月廿八日於

下祠出奉錢二百下之禮

案碑四面有字歐趙洪三家皆未覩其全碑在今

白水縣之史官郵白水為漢左馮翊御縣御即衙

古彭衙地也碑乃御令孫羨奉劉府君之令為之

碑文先自表章之人說起然後入倉頡與堯母孫

叔敖碑異頌後又紀劉明府大漢枝族云云其末

有熹平六年衡君出錢祠祀之事碑陰兩側孫羨

自紀出身歷仕始末及到官奉見劉明府云云餘

皆掾屬輸錢數目即所謂下行自紀姓名者也文

多殘缺不可讀故

僅撮其略如此

邊韶老子銘

老子姓李字伯陽楚相縣人也春秋之後周分為

二稱東西君晉六卿專征與齊楚竝僭號為王以

大并小相縣虛荒今屬苦故城猶在在賴鄉之東

過水處其陽其土地鬱壘高敞宜生有德焉老子

為周守藏室史當幽王時三川實震以夏殷事鑒

喻時王孔子學禮於老聃計其年聃時已二百餘
歲聃然老旄之貌也孔子卒後百廿九年或謂周
太史儋爲老子莫知其所終其二篇之書稱天地
能長且久者以不自生也厥初生民遺體相續其
歿生之義可知也 世之好道者觸類而長之以
老子離合於混沌之氣與三光爲終始 隨日九
變與時消息規矩三光四靈在旁存想丹田太一
紫房道成身化蟬蛻渡世 班固以老子絕聖棄
智禮爲亂首與仲尼道違述漢書古今人表以法
度抑而下之 二者之論殊矣所謂道不同不相

爲謀也延熹八年八月甲子皇上尚德因道含闕
光大存神養性意在凌雲是以潛心黃軒同符高
宗夢見老子尊而祀之於時陳相邊韶典國之禮
材薄思淺不能測度至人辨是與非案據書籍以
爲老子生於周之末世 樂無名守不德危高官
安下位遺孔子以仁言避世而隱居變易姓名唯
恐見知夫日以幽明爲節月以虧盈爲成 老子
勞不定國功不加民所以見崇隆於今爲時人所
享祀乃昔日逃祿處微損之又損之餘胙也顯虛
無之清寂云先天地而生乃守真養壽獲五福之

所致也敢演而銘之其辭曰

於惟缺德抱虛守清樂居下位祿執弗營為繩能
直屈之可縈見幾而作需郊出坳肥遁之吉避世
隱聲見道遺言道德之經譏時微喻尋顯推冥守
一不失為天下正處厚不薄居實含榮 頗違法
言先民之程 以知為愚冲而不盈大人之度非
凡所訂九等之敘何足累名 出入丹廬上下黃
庭背棄流俗含景匿形苞元神化嘘吸至精世不
能原印其死生天人秩祭以昭厥靈羨彼延期勒
石是旌

案邊韶在當時號為經笥而其文不過如此又中
多舛誤隸釋譏之亦為後來人引用外家言所始
然漢人下語猶自有分寸不似唐人夢
真容及東坡作二氏文之和身放倒也

紀生祠丙舍例

漢孔耽碑案其文蓋營生壙而作丙舍異日將以為
祠堂耳乃其額則直書曰漢故行梁相事碭孔君之
神祠以生祠而曰神祠豈古人不諱抑題在其後耶
後世生祠有記丙舍有記義始乎是故例之漢碑有
銘者類書其辭曰其文曰惟此碑卻書如頌曰如而
也當與春秋星隕如雨之如同讀此又一例也

碭孔君碑

君諱耽兄弟三人君最長厥先出自殷烈殷家者
質故君字伯本初魯遭忘新之際苗胄析離始定
茲者從叔陽以來君少治禮經遭元二轘軻人民
相食舞土茅茨躬采菱蕩消形瘦腊以養其親慈
仁質榻精靜誠信天授之性非其學也治產小有
追念祖母故無魂構於是君乎竭凱風以極綢繆
惟蓼儀以愴恨特開郭藏造作堂宇增土種柏孝
心達冥平石上見神蛇有頃復亾放籠羅之雉救
窮禽之戾小弟升高游忘畜積道富財貧君引共
居卅餘年雖賦舛如義合故天應厥徵木生連理

戒體一焉下則容人上則洪茂馨卓流布縣請署
主簿功曹府招稽議郡將烏程沈府君表病委職
署君行事假穀孰長印黻總領文書年踰皓首縣
車家蒼黃髮忘老背有胎表孫息教姚驩樂壽考
觀金石之消知萬物有終始圖千載之洪慮定吉
兆於天府目睹工匠之所營心欣悅於所處其內
洞房四通外則長廡功賦合出世萬以光和五年
歲在壬戌夏六月訖成於此行夫君子欽美含誥
如頌曰

君之德兮性自然蹈仁義兮履朴純惻隱至今神

蛇存皇乘象兮木理連矜鳥獸兮放舍旃享黻榮
兮景號宣達情性兮睹未然永億載兮傳功勳刊
石祠兮示喆賢

子得述父臣得述君故紀焉時君年七十二自所
立作君子颯作內至時已更郡諸曹史督郵承認
紀行手自注石治師同縣朱適朱祖并作畜郭

案隸釋此碑筆法古怪其文又自左而右數行之
後字畫頓小其末又有小字數十敘孔君之年及
其子歷官與石工姓名又有子得述父之句則是
孔君自作壽藏而厥子刊石也余案後文小字所
云作內者蓋壙中之事孔君作其外其子作其內
也所云承認紀行詔者父詔其子也紀行者撰此
文也手自注石者書此文於石也碑雖不列書
撰人姓名而書與撰皆出諸其子此一列也

碑紀冢地例

隸續載真道冢地碑真道自紀其市地廣袤之數誠
約後世取土方隅但得宿山居雷不得爭訟舍地怖
之以冥誅勸之以崇孝足見其時已惑於風水之說
而諄諄若此然較之晉太康瓦剎紀紙錢之數以買
地於土公者猶爲近理也

真道冢地殘碑

此冢政乎下缺欲負冢土勿取冢地中法取東吉利
慎勿取西北土也

延熹五年七月中旬真道字直中以錢八千從有

親真教字政直直弟政升升二從弟漢宗市冢地
連隨地廣廿二丈內人北行廣皆如前錢付畢
子孫但得宿山居畱不得爭舍地爭訟天帝誅
絕勉崇孝道先人之約不得違犯諸存子孫
取出卽不利後冢東行廣五丈北行不得作冢
可示後世後世作冢從此冢後併墳北行門出
西缺地也

碑紀產業例

鄭子真宅舍殘碑雖缺蝕不具首尾而所列宅舍十
一區各書其直又云妻無嫡嗣又云春秋之義五讓
爲首所列官名有郎中賊曹掾史似是其親物故議
立嬰孺官爲檢校而勸以息爭窒訟之義殆官所立
碑也金廣延母徐氏紀產碑徐氏自言少入金氏門
勤苦成家有子蚤亾立從孫爲後從孫又亾先嘗分
業以畀庶孽子雍直別居在外而雍直蕩盡至是復
析其財以付雍直慮其爲嬖姪之害也蓋嬖老自傷
臚紀刻石此私立之碑也詩曰君子有穀詒孫子而
顧有多積財焉者或損其志或益其過漢末人心風
俗視今爲厚而已切切憂危有如是矣烏虜

鄭子真宅舍殘碑

所居宅舍一區直百萬 故鄭子真地中起舍一

區作錢 故呂子近樓一區五萬 故像樓舍一

區二萬五千 子信舍一區萬 熹平四年缺月

丁酉朔

金廣延母徐氏紀產碑

元和元年五月中旬金廣延母自傷紀 永壽元

年出門託軀金掾季本 子男恭字子壽年十八

收從孫即廣延立以為後年十八娶婦徐氏弱

冠 終歿五內摧碎又少入金氏門承清儉之後

耕殖陝少 夫婦勤苦積入成家季本生平素

以奴婢田地分與季子雍直各有邛域 蓄積沙

滅責負奔亾 三分屋一才得廿一萬六百 故

文進升地一町直三萬五千 子叔地一町直

去雷之後悉以歸雍直

案二碑皆殘剝僅節取其大略季本之子金恭有
闕有碑亦漫漶不可究知其人在當日似亦溫飽
之家而三分其屋才直廿一萬有奇漢碑陰率錢
之數或百二百三百可見當時錢直重而用錢之
少如是也又案碑中稱季本平生宋李清照金石
錄敘每稱趙明誠為德甫婦字其夫蓋亦古例也

碑載世譜例

孫叔敖後碑所載自楚相以下是譜其子孫之世也

趙國相雖勸闕文所載自高祖父以下是譜其祖宗

碑片履例
之世也漢碑敘人之祖父子孫都不書名諱惟此書
之詳蓋又借石刻以存其世系也雖勸事迹略弗具
與孫叔敖不同者蓋此題闕之文非墓道之碑與邛
中之銘耳

孫叔敖碑陰

相君有三嗣長子卽封食邑固始少子在江陵中

子居三

缺 虛襲

字三

業績材二宗則其苗胄也相

君卒後十有餘世有渤海太守字武伯武伯有二

子長子字伯尉少子字仲尉仕郡爲掾史伯尉有

一子字世伯舉江夏孝廉城門侯仲尉有二子長

子字孝伯荊州從事弟世信仕

缺

字二

掾功曹會平

哀之閒宗黨爲賊寇所散世伯孝伯世信各遺一

子財八九歲微弱不能仕學世伯子字子仲治產

於績虛有六男一女大子字長都次子蘭卿次弟

字仲陽次弟字叔通次弟字衛公次弟字劉卿此

績宗六父也孝伯子字文

缺

亦不仕學治產於材

虛亦有六男一女大子字惠明次弟字次卿次弟

字聖公次弟字稚卿次弟字彥卿次弟字少都此

材宗六父也世信一子相承季陵文卿孝公此

缺

虛一父別其高祖與材高祖父親兄弟孫氏宗族

別錄譜記也

案隸釋碑中續字即續字

漢故趙國相離府君之闕

高祖父諱竇字伯著孝廉河南令侍御史九江太

字缺三君子望字伯桓右校令望子附孝廉胸忍

令字缺五陟弟朗字仲曼孝廉因農令武都太守朗

弟勸字叔缺孝廉成皋令趙國相勸子煜字稚缺

孝廉資中長江令字缺三都尉自右松君以舊墓在

水闕而墳墓多地勢字缺五斯造墳陟樹碑銘至趙

國府君在官五載蒞政清平有甘棠之化年卅五

卒於官故吏民漢中太守邯鄲字缺四等慕戀恩德

刊石稱頌焉

案離府君闕中所敘孝廉者出身之資也侍御史

九江太守者所歷任內外之職任也即為後世書

官而兼紀

出身之始

又案孫根碑陰二百四十四人皆同姓異姓十之

一始孫根後裔自譜其名於上世之碑陰王劉數

人襟其閒必其姻戚耳僅

有題名別無詞句故不錄

有紀無銘例

漢碑大都有銘然亦有無銘者高朕碑是也此後人

記體所出故今亦例之

益州太守高朕修周公禮殿記

漢初平五年蒼龍甲戌缺天季月修舊築周公禮

殿始自文翁應斯鑿度開建畔宮立堂布觀廟門

相鉤窗戶蔓延公辟相承至於甲午故府梓潼文

君增造吏寺二百餘間四百年之際變異蠡起旋

機離常玉衡失統強桀并兼人懷僥幸戰兵雷合

民散失命烈火飛炎一都之舍官民寺室同日一

朝合為灰炭獨留文翁石廟門之兩觀禮樂崩徂

風俗混亂誦讀已絕倚席離散夫禮興則民壽樂

興則國化郡將陳留高君節符曲境迄斯十有三

載會直擾亂苦慮匡救濟民塗闕斯邛虛缺三

冠學者表儀缺四大小推誠興復第觀八音克諧

鬼方來觀為後昌基

案華陽國志文翁為蜀郡守造講堂作石室一名

玉堂安帝初堂及寺舍竝災惟石室獨存至興平

元年太守高朕於玉堂東後造一石室為同公禮

殿又案文參字子奇梓潼人平帝初用為益州太

守不從王莽公孫述光武嘉之篇內文君疑即其

人甲午建武十年也初平五年改元興平而蜀猶

未知古者以周公為先聖孔子為先

有頌有詩例

前為敘後為銘此是唐以後例耳漢碑或銘後有敘

或辭後有亂亦不論有韻無韻隨所命名了無定着

邴閣一篇系其詩於銘後又別行刻年月仇審等題

名五行其曰從史缺字漢德爲此頌故吏下辨缺子
長書此頌缺釋以漢德爲仇靖之字子長爲仇紼之
字蓋宋時猶未缺故洪賸其名如此書人撰人各自
分標此亦後人例所從始

李翕析里橋郟閣頌

惟斯析里處漢之右谿源漂疾橫注於道涉秋霖
漉歎江缺滔濤波滂沛激揚絕道漢水逆讓稽滯
商旅路當二州經所神沮沮縣士民或給州府休
謁往還恒失日晷行理咨嗟郡縣所苦斯谿旣然
郟閣尤甚緣崖鑿石處隱定柱臨深長淵三百餘

丈接木相連號爲萬柱過者慄慄載乘爲下常車
迎布歲數千兩遭遇隕納人物俱墮沉沒洪淵酷
烈爲禍自古迄今莫不創楚於是太守漢陽阿陽
李君諱翕字伯都以建嚳三年二月辛巳到官思
惟惠利有以綏濟聞此爲難其日久矣嘉念高帝
之開石門元功不朽乃俾衡官掾下辨仇審改解
危殆即便求隱析里大橋於字乃造校致攻堅缺
字江巧雖昔魯班亦莫擬象又釋散關之嶮潔從
朝阻平燥減西字缺二高閣就安嚳之石道禹導
江河以靖四海經紀厥績又康萬里臣字缺三勤石

示後乃作頌曰

字降茲惠君克明俊德允武允文躬儉尚約化

流若神慶岷如字平均精通昊穹三納符銀所

歷垂勲香風有鄰仍致瑞應豐稔字樂行人夷

欣慕君靡已乃詠新詩

字今坤兌之間高山崔嵬今水流蕩蕩地既埆

碩今與寇為鄰字以析分或失緒業今至於困

貧危危累卵今聖朝閱憐髦艾究字今乃字救

傾今全育字遺劬勞日積今惟惠惟勤黃邵朱龔

今蓋不字充盈今百姓歡欣僉曰太平兮文翁

復存

建嚮五字二月十八日癸字

時衡官字仇審字孔信

從史位字漢德為此頌

故吏下辨字子長書此頌


時石師南字威明

案碑後衡官下缺當是掾下辨三字從史位下缺
當是下辨仇靖四字下辨下缺天下碑以爲仇
紉字子長歐陽集古
錄目亦謂是仇紉書

有銘有重例

開母廟石闕銘其前文四言十九韻後綴舌曰六言

騷辭體十一韻是漢人於銘後自有重也碑既剝蝕不可讀已撮其略在前且如此類者正多故不具錄



碑版文廣例卷三

長洲王芑孫念豐輯

漢

以文為誄以頌為敘例

生曰頌歿曰誄古今通例也漢校官碑則以前半敘事之文目曰誄後半有韻之文目曰敘碑列丞尉曹掾姓名不加故字其立於潘君在位之日無疑而大書之曰誄碑首紀年曰漢三百八十有七載統前漢言之碑尾紀年曰光和四年十月己丑朔廿一日己酉案是年十月非己丑朔己丑朔者閏十月也而不

書閨皆漢碑之變例也文中以蒸黎爲黎蒸亦昌黎
倒押玲瓏參差之所自來

案黎蒸所見亦不止此一碑廣漢屬國侯李翊碑至以於陵爲陵於倒押趨韻自漢已然

校官之碑

蓋漢三百八十有七載

字缺二

于

字缺二

銘功箸斯金

石其誄曰溧陽長潘君諱乾字元卓陳國長平人

蓋楚太傅潘崇之末緒也君稟資南

缺

之禱

字缺三

德之絕操髻髦克敏缺學典謨祖講詩易剖演奧

藝外覽百家衆儔挈聖抱不測之謀秉高世之界

屈私趨公卽仕佐上郡位旣置孔武剋箸疾惡義

形從風征暴執訊獲首除曲阿尉擒姦剗猾寇息

善歡履孤竹之廉蹈公儀之絜察廉除茲初厲清

肅賦仁義之風

字缺三

之迹垂化放乎岐周流愛雙

乎

字缺二

親賢寶智進直退隱布政優優令儀令色

獄無呼嗟之冤野無叩胸之結矜孤頤老表孝貞

節重義輕利制戶六百有無正繇不責自畢百姓

心歡官不失實於是遠人聆聲景附樂受一廬旣

來安之復役三年惟泮宮之教反失俗之禮構修

學官宗懿招德旣安且嚮干侯用張籩豆用陳發

彼有的雅容

缺

閑鐘磬縣矣于胥樂焉乃作敘曰

翼翼聖慈惠我黎蒸貽我潘君平茲溧陽彬文烈
武扶弱抑彊斬刈勍雄流惡顯忠咨疑元老師賢
作朋修學童冠琢質繡章實天生德有漢將興尚
旦在昔我君存今卽此龜艾遂尹三梁永世支百
民人所彰子子孫孫俾爾熾昌

丞沛國銓趙勲字曼伯左尉河內汲董竝字公房
右尉豫章南昌程陽字孝遂

時將作吏名戶曹掾楊淮議曹掾李就議曹掾柏
檜戶曹史賀缺從掾位侯祖主記史吳超門下史
吳訓門下史吳翔門下史時球

光和四年十月己丑朔廿一日己酉造

誄後有亂亂後有銘例

景君碑竟失載其名氏邑里漢碑頗載卒年月日而
此亦未載非碑有缺也其文前有誄曰後有亂曰雖
已杳出然漢人猶有此例也今題其額則曰銘箸於
篇則曰誄鑿柄方圓漫不相入碑陰題名五十四人
末又總之曰行三年服者八十七人是此外守墓持
喪而未列名者正多也碑陰之尾別綴二行韻語十
八句箸其立石之由皆他碑所無惟北魏司馬景和
妻墓誌銘額稱銘而文稱頌與此相類以其一篇之

石片廣後
中槎枒百出交格難明其杼辭亦不敵他碑殆當日
故吏諸生之不篤於文者爲之動皆非法故特舉之
此不可爲例之例也

北海相景君銘

惟漢安二年仲秋

缺二
字

故北海相任城景府君卒

歎歎哀哉國

缺二
字

寶英彥失疇列宿虧精晚學後

時於何穹蒼布命授期有生有死入實爲之豈夫
仁哲攸剋不遺於是故吏諸生相與論曰上世羣
后莫不流光缺於無窮垂芬耀於書篇身歿而行
明體亾而名存或箸形像於列圖或繫頌於管絃
後來詠其烈竹帛敘其勲乃作誄曰

伏惟明府受質自天孝弟淵懿帥禮蹈仁根道核
藝抱淑守真晶白清方剋已治身實柔實剛乃武
乃文遵考孝謁假階司農流惠元城興利惠民強
禦改節微弱蒙恩威立澤宣化行如神帝嘉厥功
授以符命守郡益州路遐戀親躬作遜讓夙宵朝
廷建策忠讜辨秩東衍璽追嘉錫據北海相部城
十九翱翔歸向分明好惡先以敬讓殘僞易心輕
黠踰竟鳴臬不鳴分子還養元元鰥寡蒙祐以禦
蓄道修德缺祉以榮紛紛令儀明府體之仁義道

術明府膺之黃朱邵父明府三之台輔之任明府
宜之以病被徵委位致仕民缺思慕遠近搔首農
夫釋耒商人空市隨輦飲淚奈何朝廷奪我慈父
去官未旬病乃困危珪璧之質臨卒不回歔缺賈
絕奄忽不違孝子慟悼顛倒剝摧遂不剋寤永潛
長歸州里鄉黨隕涕奔哀故吏忉忉歔歔低徊四
海冠蓋驚慟傷衷大命所期實惟天授明主設位
明府不就臣子欲養明府弗畱歔歔哀哉

亂曰考績幽空字缺三兮字缺四翔議郎兮再命虎將

綏元元兮規策矩謨主忠信兮羽衛藩屏撫萬民

兮字缺四恩字缺二兮宜參鼎輔缺幹楨兮不永糜壽

棄臣子兮仁敷海外著甘棠兮缺石勒銘缺不亾
兮

案碑陰自故中部督郵都昌羽忠起至故小吏都
昌張亮止題名者五十四人各書其字無輸錢數
凡四列各十八行惟第四列二
行末二行韻語行四十二字

行三年服者凡八十七人

監建字缺二惟故臣吏慎終追遠諒闇沈思守衛墳

園仁綱禮備陵成宇立樹列既就聖典有制三載

已究當離墓側永懷靡既文不可勝以義割志乃

箸遺辭以明厥意魂靈遐顯降垂嘉祐

案兩漢金石記碑陰後文豎建下缺二字其上
字或作帛非也似是聿字說文余律切所以書也
楚謂之聿吳謂之不律燕謂之弗從聿一聲其下
一字或是岩字然未可臆定要之此二字上言筆
之於書下言
銘之於石也

韻語敘之又以韻語為辭例

漢去古近散文亦參錯用韻費鳳張表諸碑以四言
五言句為敘七字句為辭費鳳碑已別見今錄張表
碑其文亦漢碑之卓麗可觀者也

冀州從事張表碑

君諱表字元異系帝高平爰暨后稷張仲孝友雅
藝攸載天挺雷侯應期佐治興漢龍興誕發神謀

君其允也懿烈純德繼踵相承于來我君亦邦之

雄兼才伯知高朗令融該覽羣緯靡不究窮初仕

郡為督郵鷹撮霆擊威德日隆糾剔苛忒抵拂頑

匈屬城祗肅千里折中入為主簿含謨吐忠委蛇

公門蹇蹇匪躬將美匡醜對颺休光歷五官掾功

曹山缺時行貢真紕偽遏漸防萌后臧其勲俾守

黎陽正身帥下神化缺通方伯述職嘉君義綱旌

命歿任北國用禦遂播芳譽有馥其馨當陟台階

注記王庭穎渠未合實命不同度時否泰盤桓利

貞缺歸斯服舍之則藏退修陶父怡志岳陽恬靜

湛泊匪惶時榮春秋六十四以建德元年三月癸
巳寢疾而終其年十有一月丙寅克葬僉以爲洪
德宜演述億載彌以新功烈不讚紀後來無所聞
於是刊石勒銘以示後昆其辭曰
於穆君兮煥流芳闡洪軌兮休烈彰令德攸兮宣
重光仕郡州兮迪民康宜王臣兮爲棟梁禦不淑
兮降淪霜凋朱華兮殲彥良伊喆人兮壽不將世
雖短兮名攸長位雖少兮功悠揚伐松柏兮構斯
堂鏤金石兮奠不亾萬子孫兮永烝嘗

頌後題名題名後又綴騷辭例

唐扶頌長篇委悉所述世系兼及從父從兄弟又辭
曰之下直接不別起紀年之下直接題名而題名之
後又綴騷辭碑陰無刻而碑首之旁有刻皆漢例之
異者

漢故成陽令唐君頌

君諱扶字正南潁川鄆人也其先出自慶都感
龍生堯王有天下大號爲唐治致雍熹尊天重民
禪位虞缺光受茅土通天三統苗胄枝分相土脈
居因氏唐焉累世含祚受天之祐允嗣彌光爲漢
台輔君父孝廉郎中蚤卒季父蜀郡蜀郡從弟會

稽會稽從弟南陽君從弟東萊太守南陽弟司空
公在朝透隨正色竭忠爲國討暴六侯俱封受土
襲爵金縉十三君繼厥緒少有岐嶷耽道好古敦
書詠詩綜緯河雒底究羣典弔紉士進守舞陽丞
弱冠守昆陽尉潁陽令隱練州郡所臨有迹帝嘉
其德特拜郎中察能治劇除豫章鄖陽長夷粵跋
扈伎強難化君奮威颺武視以好惡蠻貊振疊稽
顙帥服缺上前逋千有餘萬盜賊衰息境界晏然
三載有成州郡爭表遷成陽令承先聖之宏規見
讚像之高蹤遂興無爲之治優賢颺歷表善絀惡

遵九德以綏民崇晏安之惠康風移俗易莫不革
心朝有公綽家有參騫分陝之治優隆於君追惟
堯德光被之恩依陵亳廟造立授堂四遠童冠樞
衣受業箸錄千人朝諱算習衍衍閭閻尼父授魯
曷以復加靈祇瑞應木連理生白兔素鳩游君園
庭蕩蕩之治莫能名焉三司察功朝廷審眞以君
威恩竝流文武兼興東萊海濱須君以禦詔書換
君昌陽令吏民慕戀士女惟艱捺牽君車輪不得
行君臣流涕道路琅玕迫有詔命靡由復還於是
故從事仲字仲授張躬萬龍督郵仲規郡掾閻葵

缺 仲理處士王 董頴閻葵班等乃共刊石樹頌

歌君之美其辭曰赫赫唐君帝堯之苗氏族不一

各任所安本同末異蓋謂斯焉君體煥炳有芬有

馨如山如岱崇如不傾如缺如海澹如不盈惟直

如矢秉銓據衡在朝肅肅閨門雍雍廉踰伯叔絜

如珪璋賦政於外爰及鬼方匯夷來降寇賊逆亾

黎庶攸禦黔首歡康以德綏撫宣恩六陽以仁恤

弱以義抑彊恩由春夏威如秋霜賞罰分審白黑

著明憂者閔穉不侮寡矜耽樂道術咀嚼七經五

六六七訓導若神接下施與投財如捐吏服其德

民歸其恩父父子子君君臣臣不帥自舉不鈞不

煩囹圄空虛國無佞民德及草蟲澤流無垠蝟飛

蠕動咸賴我君顯顯令稱德音常存

光和六年二月壬午朔廿五日丙午處士閻葵班

戀念唐君為立碑缺班字宣高修春秋嚴氏大子

讓公謙襲班業次龔叔謙治尚書歐陽次庸仲絜

小夏侯

耽經史兮履仁義內和睦兮外奔赴以家財兮讚

君號諸學缺兮相埤助垂後世兮不之譽

案隸釋授堂者講授之堂五六六七者用曾點冠者童子之文也司空者名珍熹平二年自太常拜

中常侍唐衡之弟也延熹中衡與宦官共誅梁冀受封世謂之五侯即討暴俱封事也匯夷匯澤之盜也廉踰伯叔即夷齊也又有題名云成陽令穎川穎陰高諱某成陽丞廣陽蒯史珍瑋寶刻於碑首之旁

一碑作三文分敘例

孟郁碑以永康元年春陽為沔行縣詣堯廟請兩獲應遂繕修陵殿成陽令丞掾史佐之仲氏宗家又相與共作石礪階陛欄楯九月之間詔書三祠立表示後雖一碑而文自作三節敘之第一節專頌帝堯第二節頌守令丞尉及其崇奉先聖之誠第三節敘仲氏宗家以周之遺苗擇居成陽與其得姓業儒之美蹊逕歷然并畫區分與他碑錯雜無次者不同此又一例也今錄其第一節後二節多缺字語可意得更著

濟陰太守孟郁修堯廟碑

漢永康元年缺月字惟昔帝堯聖德慶苞因號

赫赫蕩蕩垂基赤精之胄為漢始別陵氣炎煜上交倉元巍巍之盛乾坤見徵故修宗殿長吏奉祠三牲粢饌獻珍於時表箸燿銘宣颺厥休乃招禎祥萬缺是來鴻名遂獻傳於千秋

詩有三章九章例

石出廣傳
劉熊碑系詩三章張公神碑系詩九章唐王建題劉
碑曰蒼苔滿字土埋龜風雨消磨絕妙辭不向圖經
中舊見無人知是蔡邕碑宋洪氏辨此非中郎筆且
其文有七業勃然而興咸居今而好古不成句其詩
則曰有父子然後有君臣文律如此難以謂之絕妙
辭矣張公神碑以散敘起入四字銘銘後又記謁者
李君好鄭長之文鄭因作歌九章其辭依放離騷稱
及夫人三女亦大招小招遺意也二碑以文律言之
雖皆不合其驅辭命句亦不勝顛躓然皆漢碑中殊
體爲後來碑版作迎送神歌所自起故例之

酸棗令劉熊碑

君諱熊字孟缺廣陵海西人也厥祖天皇大帝垂
精接感篤生聖明子孫享之分源而流枝葉扶
疏出王別區受爵列土封侯載德相繼光武皇
帝之區廣陵王之孫俞鄉侯之季子也誕生昭明
岐嶷踰絕守約履勤行修言道京夏莫不
師印六籍五典如源如泉既練州郡卷舒委墜
出省楊土流化南城政猶北辰衆星所從三祀有
成來臻我邦政教始初慎徽五典勤恤民殷
仁恩如冬日威猛烈炎夏貪究革情清修勸慕德

惠潛流望芳旁布 帥厲後學致之雍泮草上之
風莫不嚮應 七業勃然而興咸居今而好古雖
未盡道善必有所由處民之秉彝實我劉父其人
魯無君子斯焉取旃允我劉父言善誘人講禮習
聆匪徒豐學 神民協興兩不相傷故德友歸焉
自古在昔先民有作洪勳則甄盛德 缺刻表諸來
世 悵念烝民勞苦不均作為正彈造設門更
積和感暢歲為豐穰賦稅不煩寔我劉父吏民愛
若慈父畏若神明 誠宜褒顯昭其憲則乃相與
咨度諏詢采撫謠言刊 缺詩三章其辭曰

清和穆鑠實惟乾坤惟嶽降靈篤生我君服骨睿
聖允鍾厥醇誕生歧嶷言協 缺墳懿德震懼孝行
通神動履規繩文章彪績成是正服以德道民
有父子然後有君臣理財正辭束帛綏綏 缺夢刻
像鶴鳴一震天臨保漢實生 缺勳明試賦授夷夏
已親嘉錫來撫潛化如神其神伊何靈不傷人
猗與明哲秉道之樞養 缺之福惟德之隅淵乎其
長煥乎成功 缺暇民豫新我 缺通用行則達以誘
我邦賴茲劉父用說其蒙澤零年豐黔首歌頌
張公神碑

惟和平元年正月字缺二朝歌長鄭柳造缺張公建

缺良缺之山運置棊陽案此碑以洪為棊刊鑿琢摩立左

右闕表神道缺監碑廟堂之前到五月字缺二乃成

長字缺二之銘勒神懿光祕後昆其辭曰

於穆張公舍和太清受符皇極乾剛坤靈何天之

休元亨利貞 嶽朝棊陽厥土坦平芝草茂木瀟

瀟滋榮 詔命有司祭以中牲歲聿再薦公其饗

零興來億載歷數萬君 國無灾寇屢兆豐年皇

帝眉壽千祿於天牧守皆升握台輔辰長與丞尉

超遷相因 監棊陽營謁者李君畏敬公靈好鄭

長文徹奉佐工悃懃勤缺吏字缺三熹且惶作歌

九章達李君志頌公德芳其辭曰

棊水湯湯揚清波東疏缺折缺於河字缺五朝歌縣

以絜靜無穢瑕公缺守相駕蜚魚往來悠忽遂嬉

娛祐此兆民嚮厥居

出自棊字缺四松柏鬱茂蘭公字缺二神往來乘浮雲

種德收福惠斯民家饒戶富無缺貧置界寂靜和

睦缺

朝歌蕩陰及犁陽三女所處各殊方三門鼎列推

其鄉時攜甥幼歸候公夫人字缺三容字缺五饗豆觴

穆風屑兮起壇旁樂吏民兮永未央

鹿呦呦兮

字缺二

庭文樂樂兮

字缺三

飲清泉兮

字缺三

見缺伏兮不駭驚惟公德兮之所禦上陵廟兮助

三牲天時和兮甘露冷日番缺兮無虧傾

缺二

蜚兮朱鳥棲

字缺二

榮兮鳴啾啾字缺二鸛巢兮乳

徘徊給御卯兮獻於西惟公德兮之所懷

池水缺兮釣臺粲四角樓兮臨深澗魚岌岌兮踊

躍見振鱗尾兮游吁吁時釣取兮給烹獻惟公德

兮之所衍

栗蕭竹兮叢鋪陳新美萌兮香苾芬蕙草生兮滿

園田競苕茗兮給萬錢惟公德兮之所缺

門堂鬱兮文燿光公神赫兮坐東方明暴視兮儼

印印夫人缺女兮列在旁

君處北兮從官缺車騎絡繹兮交錯重乘輓軺兮

駕蜚龍驂白鹿兮從僊童游北嶽兮與天通

元碑既立雙闕建兮

字缺四

大路畔兮亭長闈

字缺二

扞難兮列種槐梓方茂爛兮天下遠近缺不見兮

公神日箸聲洞徧兮

字缺二

乾坤傳億萬兮

案隸釋朝歌長鄭柳為張公建闕作碑監黎陽營
謁者李君好鄭之文因又作歌九章石敝剝僅能
辨其梗概其辭依放離騷頗亦適雅可觀漢志注
云世祖以幽并州兵騎定天下故於黎陽立營以

石片月依
謁者監之余案前三章放漢樂府中四章乃放騷
體末一章又放三百篇四始六義參錯襍出其文
朴雅漢碑中
所不多見也

碑辭簡質例

漢碑局製相同千篇一律惟其去古未遙氣多醇厚
辭多爾雅至於擬人不倫浮夸濫美則人人而然蔡
中郎所繇發歎於郭有道也然亦有簡質矜貴者如
孔謙夏承諸碑其文亦自高出一時唐宋襍家倣之
者多也

孔謙碣

孔謙字德讓者宣尼公廿世孫都尉君之子也幼
體蘭石自然之姿長膺清妙孝友之行祖述家業
修春秋經升堂講誦深究聖指弱冠而仕歷郡諸
曹史年卅四永興二年七月遭疾不祿

淳于長夏承碑

君諱承字仲亮東萊府君之孫太尉掾之中子右
中郎將弟也累葉牧守印綬典據十有餘人皆德
任其位名豐其爵是故寵祿傳於歷世策勲著於
王室君鍾其美受性淵懿含和履仁治詩尚書兼
覽羣藝靡不尋暢州郡更請屈已匡君爲主簿督
郵五官掾功曹上計掾守令冀州從事所在執憲

彈繩糾枉忠絜清肅進退以禮允道篤愛先人後
已克讓有終察孝不行太傅胡公歆其德美旌招
俯就羔羊在公四府歸高除淳于長到官正席流
恩褒善糾姦斥惡旬月化行風俗改易輻軒六轡
飛躍臨津不日卽月昊天不弔殲此良人年五十
有六建寧三年六月癸巳淹疾卒官嗚呼痛哉臣
隸辟踊悲動左右百姓號咷若喪考妣咳孤憤泣
忉怛傷摧勒銘金石惟以告哀其辭曰

於穆皇祖天挺應期佐時理物紹縱先軌積德勤
約燕於孫子君之羣戚竝時繁祉明明君德令問
不已高山景行慕前賢列庶同如蘭意願未止中
遭冤天不終其紀夙世實祚蚤喪懿寶抱器幽潛
永歸蒿里痛矣如之行路感動黨魂有靈垂後不
朽

敘略而銘詳例

宋以後碑大抵敘長而銘短唐人卽不盡然漢平輿
令薛君碑敘止三十六字系之長銘然敘事綦詳而
失載名諱蓋漢人疏略文律未具失載名諱亦不止
此一碑耳

漢故平輿令薛君碑

惟延熹六年春二月平輿令薛君卒烏虜哀哉吏民其咨咨君之德乃建碑石於墓之側其辭曰

於皇降德於茲我君我君犀祖官有世功乃侯於薛苗_因枝分作漢卿尹七世相承君之懿德性此淑真如水之絜如玉之堅靡術不綜罔禮不尊忻忻之至三族以敦英名委質宣昭令聞升州入宰晒乎其勲莅政以吾爛而有成遷典平輿匪威匪仁寬猛以濟藐矣惟清化未期月邁此篤禦吏民穆卜嘗禱屏營昊天不弔不憇遺君晷夢徂命不可攀國人巷哭若喪厥親鬢白號怛童穉_殫呻嗟嗟酷痛如何昊乾靈柩旋歸赴此窆窀懷懷士雋惻爾酸辛姻族畢至素縞填庭於是吏民乃復追歎君初舉孝三署播名爰佐戎_缺來臨汝南剖符之貳千里同塵料揀真實好此徽聲貢奇達異迥酌清英遺風令歌永矢不諠云君回軫誰不懷歡_缺竟迷流乃隕乃顛如可贖也人百其身昔邵臨國民謂之父今也辭君追蹈厥緒身歿言存是謂不朽於我吏民悲慕罔已刊石紀銘永昭於後

碑後載贈詔例

歿而有追贈者唐宋敘其詔於文中漢則刻其詔於

碑後中常侍樊安碑書卒年卒日書賜弔賜貲書其子名皆漢世所寡有此雖廟碑而墓碑之法已具爲唐人所本明以來有刻諭祭文及誥敕墓上皆此例也

中常侍樊安碑

君諱安字子仲南陽湖陽人也厥祖曰仲山父翼佐周宣出納王命爲之喉舌以致中興食采於樊子孫氏焉亦世載德守業不愆在漢中葉篤生碩媛作合南頓實產世祖征討逆畔復漢郊廟而樊氏以帝元舅顯受茅土封寵五國壽張侯以功德加位特進其次竝以高聲處卿校侍中尚書據州典郡不可勝載爲天下著姓君幼以好學治韓詩論語孝經兼通記傳古今異義甘貧樂約意不回貳天姿淑慎稟性有直秉操不移不以覬貴世政促峻邑宰寡識慢賢役德被以勞事然後慷慨礮憤宦於王室歷中黃門冗從假史拜小黃門小黃門右史遷藏府令中常侍其事上也貞固密慎矜矜戰戰作主股肱助國視聽外職不誣內言不泄爲近臣楷模是以兄弟竝盛雙據二郡宗親賴榮年五十有六以永壽四年二月甲辰卒朝思其忠

石片月依
追拜騎都尉寵以印紱策書褒歎賻贈有加嗣子
遷實以幼弱夙敘王爵而喪所天禮備復位以延
熹三年冬十有一月自上丞祭乃尋惟烈考恭修
之懿勒之碑石俾不失墜其辭曰

肅肅我君帝躬是翼王事多難我君是力秉此小
心以亮皇職惟帝念功庸以輿服大命傾實魂神
僊伏龜艾追遷用光其德藹藹遺稱作呈作式勒
銘茲石垂示罔極勲名不刊永昭千億

制詔中常侍樊安宿衛歷年恭恪淑慎嬰被疾病
不幸蚤終今使湖陽邑長追號安爲騎都尉贈印
綬魂而有靈嘉其寵榮烏呼哀哉

延熹元年八月廿四日丁酉下

碑後坻紀帝諡例

漢桓帝以討伐之功獲諡爲桓馮緄不過當時命將
之一而爲緄作碑者遂以帝諡書之碑後殊非體要
碑載緄爲廷尉時奏中臣子弟不宜典州意其人有
經國之用非獨虎臣之選也緄終廷尉而碑額尚題
將軍重故階之例耳

漢故車騎將軍馮公之碑

君諱緄字皇卿幽州君之元子也少耽學問習父

業治春秋嚴韓詩倉氏兼修大杜弱冠詔除郎還
更仕郡歷諸曹史督郵主簿五官掾功曹舉孝廉
除右郎中蜀郡廣都長遭直荒亂以德綏撫政化
流行到官四載功稱顯著郡察廉吏州舉尤異遷
棧爲武陽令誅絕彊豪以公去官部廣漢別駕治
中從事辟司空府侍御史御史中丞督使徐揚二
州討賊范空朱生徐鳳馬勉張嬰等坐迫州郡進
兵正法復辟司徒府廷尉左監正治書侍御史廣
漢屬國都尉隴西太守坐問吏辜旬不分去官以
羌駭動爲四府所表復家拜隴西太守上病辟同

產弟徵議郎復治書侍御史尚書遼東太守廷尉
太常車騎將軍南征五谿蠻夷黃加少高相法氏
趙伯潘鴻等斬首萬級沒溺以千數降者十萬人
收逋竇布卅萬匹不費官財振旅旋師臨當受封
以謠言奏河內太守中常侍左悺弟坐遜位拜將
作大匠河南尹復拜廷尉表荊州刺史李隗南陽
太守成晉太原太守劉瓚不宜以重論坐正法作
左校後詔書特賞拜屯騎校尉復廷尉奏中臣子
弟不宜典牧州郡獲過左右遜位永康元年十二
月夢一要金紫十二銀艾七墨綬將軍體清守約

既來歸葬遺令墳塋取藏形而已不造祠堂可謂
履真者矣恐後人不能紀知官所更歷故刊石表
績以誌來世孝桓皇帝以命將軍討此疆夷有桓
桓烈缺之姿因謚爲桓

案此碑將軍字提行而孝桓字轉不
提行亦不空缺蓋漢例往往有之

碑後附紀他人事行例

綏民校尉熊君碑所述子弟名字官階志操皆其蚤
亾者也因其亾無所附麗故入之文中碑尾又誌
文春杜暉兩人學行壽年洪氏謂皆同郡盛德之士
作文者惜其湮墜故附之左方是卽碑陰紀先友之

前導矣

綏民校尉熊君碑

君諱缺字子缺其先蓋帝顓頊高陽氏之苗裔周

有天下成王建国熊繹封楚慶祚字缺三於字缺二亦

世載德卅餘代君高祖父籌靈王元孫大漢龍

興曾祖父範督郵守長祖父師君父喬字

漢舉更督郵主簿君治歐陽尚書六日七分少

佐州郡立朝蹇愕孔甫之操以忠孝稱更諸曹史

舉孝廉上計掾興平元年八月二十八日壬寅詔

書除補桂陽曲江長旣敦文武爲政果達臨化宣

惠所去遺績視事六載 鎮南將軍荊州牧侯山

陽劉君諱表字景升以君稟純履正出自帝宇緬

榮輕舉厲志疾邪牧侯字缺二為民所安命還拜綏

民校尉領曲江長復莅五年政隆上古流移歸懷

繼負而至吏民作誦曰彼熊父兮解我患害安我

缺移遭母憂字缺干去官陽九應會王室威缺君功

顯宿著海內諮美拜騎都尉受命立灌陽縣督長

六載無為而治 君春秋七十有一以廿一年三

月廿七日丙寅卒官吏民懷慕顧見農夫泣淚路

隅皆懷悽愴哀我惠君君同產弟望季公質性伉

慨史魚之直吏功曹列掾督郵都梁長蚤終君長

子再孝存姿操敦良耽志好學博覽雅藝 三奏

辟召於州終昔周文公作頌宋成考父公子奚斯

追羨遺績紀述前勲於是刊碑以示後昆其詞曰

赫赫熊君遷基缺宇漢興伐項巡行南土顯封受

爵遂爾延祖繁葉休隆君允其緒克明盛德字牧

城社所在有績龜銀之祚河雒挺錄為國毗輔懿

懿其操穆穆其姿光光其行桓桓其威清虛澹泊

後嗣式敘冠秩之應實賴厥後昊天忽然枕榮終

祐喪我良則國失良輔其存也榮其亾也哀銘勒

金石殷而不朽靈也有知祐福子孫支干相生吉
而無咎詩云嘉樂君子顯顯令德延於無極

追敘君兮懷純精名稱於州里兮樞機發動執忠
貞兮溷亂而不惑不枉身事汙君兮損土爵而進
退崇禮約行兮舉動而不跌遭濁而自靖兮泥而
不滓穢嗚呼君兮匪石是爲州郡禮遇兮名貫於
四表德稱竝宣先兮賢比於前列卻畢之歎岐兮
束修稷由文武兮興後葉子孫殖兮世享祿龍潛
體於枯木兮就生存是以刊石兮爲君立碑攬英
雄之迹兮以缺來詰嗣長基而廣宇兮後世無廢

違

故長沙茶陵長文春字季秋質操貞良慈一汎愛
治天官日度風角列宿剛知聖術在官修德民歌
遺風春秋七十以道隕遷宗因不紀故爲昭宣
故桂陽陰山豫章缺長重安侯相杜暉字慈剛體
質因亮敦仁好道治易梁邱春秋公羊氏綜覽百
家無所不甄典歷三城居官清惠遺愛在民春秋
六十終族後缺述故因顯德以示來因

建安廿一年十二月丙寅朔一日丙寅太歲丙申

碑師壽陵程福造

碑版廣例
案隸釋受命立灌陽縣是劉表初命熊君置此邑也綏民校尉亦表所置漢末諸劉在荆益專恣名官置邑皆不以告故史氏逸而不書

碑載書撰人姓名例

漢碑無書撰姓名者十之九其有列撰而不列書者卜允撰費鳳碑鄭彬撰張公神碑是也列書而不列撰者郭香察書華山碑紀伯允書武班碑是也然察書者察莅其書非必郭香自爲執筆惟郟閣頌分標仇靖爲此頌仇紉爲此書而西狹頌則又兼箸之曰仇靖書文書文云者揮翰遺辭一人爲之也此後人結銜某撰某書或某撰并書例所自起

案書撰人錯雜題名之中自儕於衆此又漢例然也

李翁西狹頌

漢武都太守漢陽阿陽李君諱翁字伯都天姿明敏敦詩說禮膺祿美厚繼世郎吏幼而宿衛弱冠典城有阿鄭之化是以三剖符守致黃龍嘉禾木連理甘露之瑞動順經古先之以博愛陳之以德義示之以好惡不肅而成不嚴而治朝中惟靜威儀抑抑督郵郡職不出府門政約令行強不暴寡知不詐愚屬縣趨教無對會之事徼外來庭面縛二千餘人年穀屢登倉庾惟億百姓有蓄麥五

錢郡西狹中道危難阻峻緣厓俾閣兩山壁立隆
崇造雲下有不測之谿阨崖促迫財容車騎進不
能濟息不得駐數有顛覆實墜之害過者創楚惴
惴其慄君踐其險若涉淵水歎曰詩所謂如集于
木如臨于谷斯其殆哉困其事則爲設備今不圖
之爲患無已敕衡官有秩李瑾掾仇審因常由道
徒鑿燒破析刻各確嵬減高就埤平夷正曲押致
土石堅固廣大可以夜涉以無壅行人懽踴民
歌德惠穆如清風乃刊斯石曰

赫赫明后柔嘉惟則克長克君牧守三國三國清

平詠歌懿德瑞降豐稔民以貨殖威恩竝隆遠人
賓服鑿山浚瀆路以安直繼而之迹奕世賴福
建德四年六月十三日壬寅造時府

丞右扶風陳倉呂國字文寶

門下掾下辨李雯字子行故從事

議曹掾下辨李嚮字仲齊故從事

主簿下辨李遂字子華故從事

主簿上祿石祥字元祺

五官掾上祿張亢字惠叔故從事

功曹下辨姜納字元嗣故從事

尉曹史武都王尼字孔光

衡官有秩下辨李瑾字瑋甫

從史位下辨仇靖字漢德書文

下辨道長廣漢汁郝任詩字幼起

下辨丞安定朝那皇甫彥字子才

案此碑額題惠安兩表四字此亦後人碑額別製四字例所始又案隸續西狹頌十九行行二十字未有一行書年月又有小字題名兩行低四字許又案後漢書皇甫規傳屬國都尉李翕多殺降羌倚恃權貴不尊法度規到官條奏其臯然則翕非良吏此掾史頌美之辭或有溢美者矣

選石重於書撰例

古人重選石故石能久存漢碑不列書撰人姓名而

市石募石石師石工必謹書之武梁祠堂碑稱孝子

仲章等竭家所有選擇名石南山之陽擢取妙好色

無斑黃良匠衛改彫文刻畫摠騁伎巧云云故累經

桑海而所刻至今可辨余嘗騎行燕趙閒觀道旁碑

漫漶無字疑其古碑下馬視之乃乾隆閒刻耳遇有

摩挲積久光澤如鏡而筆畫仍在者必唐以前物若

攝山明僧紹碑虎邱經幢是也唐人亦重其事故魯

公至載石以行今則其傳絕矣雖精擇撰人書人匪

久旋滅所賴獨其人文集流行天地閒耳偶讀樊敏

碑書人居石工之下雖燥固劉盛之子理不先父然

石片廣傳
他碑之於石師石工亦不草草有感錄之

巴郡太守樊敏碑

君諱敏字升達犀祖宓戲遺苗后稷爲堯種樹舍
潛於岐天顧亶父乃萌昌發周室衰微霸伯匡弼
晉爲韓魏魯分爲揚克曜封邑厥土河南楚漢之
際或居於楚或集於梁君纘其緒華南西曷濱近
聖禹飲汝茹汭總爾好學治春秋嚴氏經貫究道
度無文不睹於是國君備禮招請濯冕提綱傑立
忠謇有夷史之直卓密之風鄉黨見歸察孝除郎
永昌長史遷宕渠令布化一載遭離母憂五五斷

仁大將軍辟光和之中京師擾攘雄狐綏綏冠履
同囊投効長驅畢志枕邱國復重察辭病不就再
奉朝娉十辟外臺常爲治中諸部從事舉直錯枉
覃思舊制彈鬻糾貪務鉏民穢患苦政俗喜怒作
律案臯殺人不顧猖獗告子屬孫敢若此者不入
墓門州里僉然號曰吏師季世不祥米巫死瘡續
蠢青羌姦狡竝起陷附者衆君執一心賴無洿恥
復辟司徒道隔不往牧伯劉公二世欽重表授巴
郡後漢中秋老乞身以助義都尉養疾閭里又行
褒義校尉君仕不爲人祿不爲己桓桓大度體蹈

其首當窳台緄松僑協軌八十有四歲在汴洽紀
驗期臻奄忽臧形凡百咸痛士女涕泠臣子褒述
刊石勒銘其辭曰


於戲與考經德炳明勞謙損益耽古儉清立朝正
色能無撓傾威恩御下持滿億盈所歷見慕遺歌
景形書載俊乂股肱幹楨有物有則模楷後生宜
參鼎鉉稽建皇靈王路阪險鬼方不庭恒戢節足
輕寵賤榮故缺大選而捐陪臣晏嬰邶殿留侯距
齊非辭福也乃辟禍兮


亂曰演元垂缺岳瀆缺兮金精大佐實生賢兮缺

欲救民德彌大兮遭偶陽九百六會兮當缺還年
今遂逝兮歎嗚懷哉魂神缺兮

建安十年三月上旬造石工劉盛息懌書

案隸釋云敏嘗再表漢中其額仍以領校巴郡稱
之者朝無成命也二劉焉與璋也強籓擅命見幾
而作所云捐陪臣者不食二劉之粟也五五與費
鳳碑同謂二十五日也雄狐綏綏謂中官用事也





石片廣
伍

